

POPERA GA DUMAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxōgŭxŭ ga Dumaãrŭ ãñewa yexmagŭxŭ

¹ Pa Chaueneēgŭx, choma i Pauru nixĩ i pexcèx chanaxümatŭxŭ i ñãã popera. Rü choma nixĩ i Ngechuchu ya Cristuarŭ duŭxŭ chiixŭ. Rü choma nixĩ ga Tupana choxŭ yaxuxŭ na choxŭ yamuxŭcèx na duŭxŭgŭmaã nüxŭ chixuxŭcèx i norŭ ore i mexŭ i tüxŭ maxèxèèxŭ. ² Rü nuxcŭmaxŭchima Tupana nanamu ga norŭ orearŭ uruŭgŭ na naxümatŭgŭãxŭcèx ga norŭ ore i mexŭ. Rü yemaãcü tüxŭ nüxŭ nacuxèxèè ga ñãã ore i mexŭ. ³ Rü ñãã ore i mexŭ rü tórŭ Cori ya Ngechuchu ya Cristuchiga nixĩ. Rü nüma rü woo Tupana Nane na yiixŭ, natürŭ duŭxŭgŭrŭŭ nabu ga yexguma ñoma ga nañnewa nanguxgu. Rü nuxcŭmaŭcü ga ãëxgacŭ ga Dabítaa nixĩ. ⁴ Natürŭ nümatama ya Ngechuchu rü ünecŭ nixĩ. Rü yexguma yuwa ínadxgu rü Tupana tüxŭ nüxŭ nadauxèè na aixcŭma Nanexŭchi na yiixŭ. Rü nüxna nanaxã ga guxŭma ga pora. ⁵ Rü Ngechuchu ga Cristugagu nixĩ ga chomaã namecŭmaxŭ rü choxŭ naxunetaxŭ ga Tupana na norŭ puracŭ chaxŭxŭcèx. Rü yemacèx Ngechuchuégagu choxŭ namu na guxŭ i nachiuñnewa nüxŭ chixuxŭcèx i norŭ ore na yaxōgŭãxŭcèx i duŭxŭgŭ rü

Tupanaga naxĩnũxũcèx. ⁶⁻⁷ Rũ pema rũ ta, Pa Dumacũāxgũx, rũ ngẽma duũxũgũtanũwa pengẽxmagũ yerũ Tupanaāxũ peyaxõgũ rũ naga pexĩnũẽ. Rũ nũma rũ pexũ nangechaũ rũ marũ pexũ naxuneta na Ngechuchu ya Cristuarũ duũxũgũ pixĩgũxũcèx rũ ngẽma norũ duũxũgũtanũxũ na pexĩgũxũcèx. Rũ ñuxmax, Pa Chaueneẽgũ i Dumacũāxgũx, rũ chanaxwèxe i nũma ya Tanatũ ya Tupana rũ tórũ Cori ya Ngechuchu ya Cristu pemaã namecũmagũ rũ pexũ narũngũxẽẽgũ na meã pexũ naxũpetũxũcèx rũ aixcũma petaãẽgũxũcèx.

Pauru rũ nũxũ nangũchaũ na íyadauãxũ ga yema yaxõgũxũ ga Dumawa yexmagũxũ

⁸ Rũ ñuxma rũ Ngechuchu ya Cristuégagu Tupanana moxẽ chaxã pexcèx, erũ guxũwama i guxũ i naãnewa rũ duũxũgũ nũxũ nixugũgũ na aixcũma Cristuaxũ peyaxõgũxũ rũ Tupanacèx pemaxẽxũ. ⁹ Rũ nũma ya Tupana choxũ nadau rũ nũxũ nacuèx na aixcũma guxũguma pexcèx chayumũxẽxũ. Rũ yimaãxũ nixĩ i guxũma i chorũ ngũchaũmaã chapuracũxũ rũ nũxũ chixuxũ i norũ ore i mexũ i Nanechiga. ¹⁰ Rũ guxũguma nũxna chaca na choxũ ngẽma namuxũcèx rũ ngẽmaãcũ dũxwa pexũ íchayadauxũcèx ega norũ ngũchaũ yixĩgu. ¹¹ Erũ aixcũma choxũ nangũchaũ na pexũ chadauxũ na pemaã nũxũ chixuxũcèx i Tupanaãrũ ore na aixcũma meã peyaxõgũxũcèx rũ yexeraãcũ peporaexũcèx. ¹² Rũ ngẽxguma ngẽmaãcũ wũxiwa ingẽxmagũgu, rũ tá wũxichigũ yigũ tataãẽgũxẽẽ rũ yigũaxũ tanangũchaũxẽẽ. Erũ choma rũ tá nũxũ chadau na ñuxãcũ tórũ

Coriaxũ peyaxõgũxũ rü pema rü tá ta nüxũ pedau na ñuxãcü chayaxõxũ. ¹³ Pa Chaueneẽgũx, chanaxwèxe i nüxũ pecuèx na muẽxpũxcüna pexũ íchayadauxchaũxũ, natürü ñuxmarũta rü choxũ naguxcha. Natürü ngema petanüwa chaxũchaũ, erü chanaxwèxe na pemaã nüxũ chixuxũ i Tupanaãrü ore yema toxnamana yexmagũxũ ga duũxũgũmaã nüxũ chixuxürüũ. Erü chanaxwèxe i ngẽma duũxũgürüũ meã peyaxõgü na ngẽmaãcü Cristuwe naxĩxũcèx i ngẽma petanũxũgü i ñuxma tama yaxõgũxũ. ¹⁴ Rü aixcüma ngema changuxchaũ erü nũmatama ya Tupana choxũ namu na guxũ i duũxũgũmaã nüxũ na chixuxũcèx i norü ore. Rü nanaxwèxe i duũxũgü i meã poperaxũ icuáxũmaã nüxũ na chixuxũ rü duũxũgü i tama poperaxũ icuáxũmaã ta nüxũ chixuxũ i ngẽma norü ore. Rü ngẽxgumarüũ ta nanaxwèxe na ngẽma duũxũgü i cuèx nüxũ ngẽxmaxũmaã nüxũ na chixuxũ rü ngẽma duũxũgü i taxuguma rüxĩnũèxũmaã nüxũ na chixuxũ. ¹⁵ Rü ngẽmacèx, Pa Chaueneẽgü i Dumagu Ñchiũgũxũ, rü choma rü marü íchamemare na petanüwa na chaxũxũ, na pemaã rü ta nüxũ chixuxũcèx i Tupanaãrü ore i mexũ.

Tupanaãrü ore rü napora

¹⁶ Rü taxucèxma naxcèx chaxãne i ngẽma ore i mexũ. Erü ngẽma ore rü napora, rü ngẽmamaã nixĩ i napuracũxũ ya Tupana na guxãma ya yixema Cristuaxũ yaxõgũxe rü tũxũ nangẽxmaxũcèx i maxũ i taguma gúxũ. Rü ngẽma maxũ, rü Yudíugücèxirachirẽx nixĩ, natürü i ñuxma rü guxũma i ngẽma tama Yudíugü ixĩgũxũcèx rü

ta nixĩ. ¹⁷ Rũ ngẽma norũ orewa nixĩ i tamaã nüxũ yaxuxũ ya Tupana na tórũ õgaguxicatama yĩxũ na napẽxewa imexũ. Erũ norũ ore i ùmatüxũwa rũ ñanagürũ:

“Rũ yĩxema tümaãrũ õgagu Tupanapẽxewa mexẽ,
rũ tá tüxũ nangẽxma i maxũ i taguma gúxũ”,
ñanagürũ.

Nagagutama nixĩ i duüxũgũ inapoxcuexũ

¹⁸ Rũ nüxũ tadaugũ na Tupana daxũguxũ i naãnewa ne namuxũ i norũ poxcu i ãücũmaxũ naxcèx i guxũma i ngẽma duüxũgũ i tama naga ñnüẽxũ rũ chixexũ ügũxũ rũ ngẽma norũ chixexũmaã togüaxũ naguxchaxẽẽgũxũ na tama nüxũ nacuèxgũxcèx i ngẽma ore i aixcũma ixĩxũ. ¹⁹ Rũ ngẽma duüxũgũ i chixexũ ügũxũ rũ meã nüxũ nacuèxgũchirẽx na ñuxãcü yĩxũ ya Tupana yerũ nümatama ga Tupana rũ marũ nüxũ nüxũ nadauxẽẽ ga yema. ²⁰ Rũ woo tama nüxũ idaugũgu ya Tupana, natürũ guxũma i tacü i naxüxũwa nixĩ i nüxũ idaugũxũ. Rũ yexguma noxri naãne naxüxgumama nixĩ ga meãma duüxũgũxũ nüxũ nadauxẽẽxũ na aixcũma Tupana na yĩxũ rũ guxũguma na naporaxũ. Rũ ngẽmacèx i ngẽma duüxũgũ i chixexũ ügũxũ, rũ taxucürũwama tacũmaã nügũ ñapoxũgũ i Tupanapẽxewa. ²¹ Yerũ woo nüxũ nacuèxgũchirẽx na ñuxãcü yĩxũ ga Tupana, natürũ tama nanayauxgũchaũ na norũ Tupana yĩxũcèx, rũ bai na moxẽ nüxna naxãgũxũ. Natürũ yema ore ga taxuwama mexũguama narüxĩnüẽ, rũ yemaãcü naẽchitamare namaxẽ rũ yexeraãcü chixexũgu narüxĩnüẽ. ²²⁻²³ Rũ nügũ yaxugũegu rũ

duūxūgū i nūxū icuáxū nixīgū natürü taxuguma narūxīnūē. Yerü nūxna nixīgachitanü ga Tanatü ya Tupana ya mexēchicü ya taguma yucü, na nawe naxīxūcèx ga norü naxchicünèxāgūmare ga duūxūgū i yuxwèxexūchicünèxāmāre ixīgūxū rü werigūchicünèxāmāre ixīgūxū rü naēxūgūchicünèxāmāre ixīgūxū rü āxtapegūchicünèxāmāre ixīgūxū. ²⁴ Rū yemacèx ga Tupana rü düxwa yemawa nanawogü ga yema duūxūgū na naxügüāxūcèx ga guxūma ga yema chixexū ga nūxū ngúchaūgūxū rü nügūmaā na naxügüāxūcèx ga naxūneārü ngúchaūgü i āne tūxna āxū. ²⁵ Rū yemaācü nūxna nixīgachi ga guma aixcūmaxūchi Tupana ixīcü na nawe naxīxūcèx ga norü tupanagü ga tama aixcūma ixīgūxū. Rū yema Tupana üxūpēxewa nayumūxēgü rü yemaxū nicuèxūūgü, natürü tama nūxū nicuèxūūgü ga Tanatü ya Tupana ga naxücü rü inaxwèxecü na guxūguma nūxū icuèxūūgūxū. Rū ngēmaācü yixī. ²⁶ Rū yemacèx ga Tupana rü düxwa yemawa nanawogü ga yema duūxūgü na naxügüāxūcèx ga naxūneārü ngúchaū i āne tūxna āxū. Rū èixrūū ga ngexūgü rü naxrūū ngexūgūmaātama nangēāēgü rü tama yatügūmaā. ²⁷ Rū yexgumarūū ta ga yatügü rü naxrūū yatūxūmaātama nangēāēgü, rü tama ngexūgūmaā. Rū yema naxūneārü ngúchaū ga chixexūgü rü nūxū naporā na naxrūū yatūxūmaā namaxēxū. Rū yemaācü ga yema yatügü rü nügūmaā nanaxügü ga yema naxūneārü ngúchaū i āne tūxna āxū, rü düxwa yemagagu nīdaawee rü naturaxūnegü. ²⁸ Rū yema na tama Tupanaxū nacuèxgūchaūxū, rü yemacèx ga nūma ga Tupana rü düxwa yemawa nanawogü ga yema

duŭxŭgü na norü chixexŭgu na naxĩnüēechaxŭcèx rü na naxŭgüāxŭcèx ga yema chixexŭ. ²⁹ Rü düxwa ga yema duŭxŭgü rü guxŭraŭxŭ ga chixexŭ naxŭgü ga Tupanapēxewa. Rü tama aixcūma meā naxmèxmaā rü natemaā namaxē. Rü naxaŭ rü nŭgünaxīcatama nananugŭchaŭ i guxŭma i ŭacü. Rü toguāxŭ nachixexēēgŭchaŭ. Rü nixāŭxāchiwèxegü, rü namáētagü, rü nanuēwèxe, rü nawomŭxēēwèxegü, rü naxŭneārü ngŭchaŭ nüxŭ napora, rü naxoregütèèxgü. ³⁰ Rü chixexŭmaā toguāxŭ nixugŭe, rü Tupanachi naxaie, rü toguāxmaā naguxchigagü. Rü nŭgŭgu naxĩnüēgu rü togŭarŭ yexera nixŭgŭ, rü nŭgŭ nicuèxŭŭgŭ. Rü naxcèx nadaugŭ na yexera chixexŭ naxŭgŭxŭ. Rü tama nanatŭga rü naēga naxĩnüēchaŭ. ³¹ Rü tama inarŭxĩnüēchaŭ. Rü tama aixcūma nayanguxēē i ngēma nüxŭ yaxugŭxŭ. Rü taxŭexŭma nangechaŭgŭ. Rü tama togŭaxŭ nüxŭ nangechaŭ i ŭacü rü guxchaxŭ. Rü tama toguāx nüxŭ tangechaŭtŭmŭŭgŭ. ³² Rü nümagŭ i ngēma duŭxŭgü rü meāma nüxŭ nacuèxgŭchirēx rü Tupana rü marŭ namaā nanaxuegu na noxtacūma nayuexŭ i ngēma duŭx-ŭgŭ i ngēmaācŭ maxēxŭ. Natŭrŭ woo meāma nüxŭ nacuèxgŭchirēx i guxŭma i ngēma, natŭrŭ nanaxŭgŭama i ngēma chixexŭ, rü nataāēgŭ ega togŭ naxŭxgu.

2

Ngēxguma Tupana duŭxŭgŭxŭ poxcugu, rü tama chixexŭ naxŭ, erŭ ngēma duŭxŭgŭ rü norü chixexŭgagutama nanapoxcŭe

¹ Rü ngēmacèx, Pa Duŭxŭx, rü woo texé quixŭgu rü taxuacūma Tupanapēxewa cugŭétŭwa

cuchogü, ega togüxü quixuechagu. Erü ngëxguma togüxü quixuechagu na nachixexü rü cugütama cupoxcu, erü cuma na cumücüxü quixuechaxü rü cuma rü ta cunaxü i ngëma chixexü i cumücüxü naxcèx quixuechaxü. ² Rü nüxü tacuèx rü Tupana tá nanapoxcue i ngëma duüxügü i namücügüxü ixugüechaxü. Rü ngëxguma napoxcueägu, rü tama chixexü naxü ya Tupana, erü ngëma duüxügü rü norü chixexügagutama nixi i napoxcueäxü. ³ Rü dücax, Pa Duüxüx, rü ngëxguma togüxü quixu-echagu, natürü cuma rü ta cunaxüxgu i ngëmatama chixexü i nüma naxüxü, ¿rü ñuxücürüwa tá i nagu curüxñüxü na Tupanachaxwa iquicüxü na tama cuxü napoxcuxücèx? ⁴ ¿Rü tüxcüü tama nagu curüxñü i ngëma mexü i Tupana cuxcèx üxü? Nüma rü poraäcücüchi cumaã namecüma rü yaxna cumaã naxñü rü tama paxa curü chixexücèx cuxü napoxcuchaü. ¿Rü ñuxma rü tüxcüü nüxü cuxo? ¿Tama ëxna nüxü cucuèx na Tupana ngëmaäcü cumaã mecümaxü na nüxü curüxoxücèx i curü chixexü rü naxcèx na cumaxüxücèx ya Tupana? ⁵ Natürü cuma rü tama Tupanaxü cucuáxchaü rü tama nüxü curüxoxchaü i curü chixexü. Rü ngëmaäcü cugüçextama cunayexeraxëe i curü poxcu i tá cuyaxuxü i ngëma ngunexü i nagu Tupana napoxcuexü i ngëma chixexü ügüxü. Rü ngëma ngunexügu rü Tupana tá aixcüma ngëma duüxügümaã nanaxuegu na ñuxäcü tá na napoxcueäxü. ⁶ Rü ngëxguma tá nixi i Tupana nüxü yaxügütanüxü i wüxichigü i duüxü naxcèx i ngëma naxügüxü. ⁷ Rü maxü i taguma gúxümaã Tupana tá tüxü nanaxütanü ya yíxema guxüguma

mexŭ taxŭgŭācŭma naxcèx daugŭxe na Tupana tŭmamaā taāēxŭ rŭ naxcèx daugŭxe na aixcŭma Tupanaxŭtawa tangugŭxŭ. ⁸ Natŭrŭ Tupana tá tŭmamaā nanu rŭ tá tŭxŭ napoxcu ya yŭxema tŭgŭguxicatama rŭxŭnŭēxē rŭ tama naga ŭnŭēchaŭxē i ore i aixcŭma ixŭxŭ rŭ naxcèx daugŭxe na ngēma chixexŭ taxŭgŭxŭ. ⁹ Rŭ guxŭma i ngēma duŭxŭgŭ i chixexŭ ŭgŭxŭ rŭ tá ngŭxŭ ningegŭ rŭ poraācŭ tá chixexŭ nŭxŭ naxŭpetŭ. Rŭ ngēma Yudŭgŭ i chixexŭ ŭgŭxŭxŭira tá nixŭ i Tupana inapoxcuexŭ. Rŭ ngēmawena rŭ tá nanapoxcue i guxŭma i ngēma togŭ i duŭxŭgŭ i chixexŭ ŭgŭxŭ. ¹⁰ Natŭrŭ ngēma duŭxŭgŭ i mexŭ ŭgŭxŭ, rŭ Tupana tá namaā nataāē, rŭ tá nanatachigaxēē, rŭ tá nanataāēxēē. Rŭ ngēma Yudŭgŭ i mexŭ ŭgŭxŭcèxira tá nixŭ i ngēma. Rŭ ngēxgumarŭ i guxŭma i togŭ i duŭxŭgŭ i mexŭ ŭgŭxŭcèx rŭ tá ta nixŭ. ¹¹ Erŭ Tupanapēxewa rŭ nawŭxigu i ngēma duŭxŭgŭ i Yudŭgŭ ixŭgŭxŭ rŭ ngēma togŭ i duŭxŭgŭ i tama Yudŭgŭ ixŭgŭxŭ. Rŭ guxāma ya texé ya chixexŭ ŭgŭxe rŭ tá tanayaxu i tŭmaārŭ poxcu, natŭrŭ guxāma ya texé ya mexŭ ŭgŭxe rŭ tá Tupana tŭmamaā nataāē. ¹² Rŭ guxŭma i duŭxŭgŭ i pecadu ŭgŭxŭ i tama nŭxŭ cuèxgŭxŭ i ngēma mugŭ ga Moŭché ŭmatŭxŭ, rŭ tá inayarŭtauxe. Rŭ ngēxgumarŭ ta i guxŭma i ngēma pecaduāxgŭxŭ i nŭxŭ cuèxgŭxŭ i ngēma mugŭ ga Moŭché ŭmatŭxŭ, rŭ ngēma mugŭ nŭxŭ ixuxŭācŭma Tupana tá nanapoxcue. ¹³ Erŭ Tupanapēxewa rŭ taxuwama name i ngēma duŭxŭgŭ i nŭxŭ ŭnŭēmarexŭ natŭrŭ tama nagu maxēxŭ i norŭ mugŭ. Natŭrŭ ngēma duŭxŭgŭ i Tupanaārŭ mugŭga ŭnŭēxŭ nixŭ i

aixcūma Tupanapēxewa imexŭ. ¹⁴ Dŭcèx, i ngēma duŭxŭgŭ i tama Yudŭgŭ ixŭgŭxŭ. Nŭmagŭ rŭ tama nŭxŭ nacuèxgŭ i Tupanaârŭ mugŭ. Natŭrŭ ngēxguma nŭēchamatama naxŭgŭmareāgu i ngēma Tupana tŭxŭ muxŭ, rŭ tŭxŭ nŭxŭ nadauxēē na nŭxŭ nacuèxgŭxŭ i tacŭ na yŭxŭ i mexŭ rŭ tacŭ na yŭxŭ i chixexŭ, woo tama nŭxŭ na nacuèxgŭchiréxŭ i Tupanaârŭ mugŭ. ¹⁵ Erŭ nacŭmagŭwatama nixŭ i tŭxŭ nŭxŭ nadauxēēxŭ na nŭxŭ nacuèxgŭxŭ na tacŭ yŭxŭ i mexŭ rŭ tacŭ na yŭxŭ i chixexŭ. Rŭ ngēma duŭxŭgŭ rŭ ngēxguma chixexŭ naxŭgŭgu, rŭ naāēwatama nixŭ i nŭxŭ nacuèxgŭxŭ na nachixexŭ i ngēma naxŭgŭxŭ. Rŭ ngēxgumarŭ ta i ngēxguma mexŭ naxŭgŭgu, rŭ naāēwatama nixŭ i nŭxŭ nacuèxgŭxŭ na namexŭ i ngēma naxŭgŭxŭ. ¹⁶ Rŭ ngēma ngunexŭ i nagu Tupana Cristuxŭ namuxŭ na guxŭ i duŭxŭgŭxŭ yacagŭxŭcèx i norŭ maxŭchiga, rŭ ngēma duŭxŭgŭ i tama Tupanaârŭ mugŭxŭ cuèxgŭxŭ rŭ naāēwa tátama nixŭ i nŭxŭ nacuèxgŭxŭ na chixexŭ naxŭgŭxŭ rŭ ēxna mexŭ naxŭgŭxŭ. Rŭ ngēxguma tá nixŭ i nangóxŭ i guxŭma i ngēma chixexŭ i cúācūma naxŭgŭxŭ i duŭxŭgŭ, rŭ ngēma chixexŭ i nŭxŭcatama nagu naxŭnŭēxŭ. Rŭ Tupanaârŭ ore i pemaā nŭxŭ chixuxŭ nixŭ i tŭxŭ nŭxŭ cuèxēēxŭ i ngēma.

Yudŭgŭchiga rŭ mugŭ ga Moŭché ŭmatŭxŭchiga

¹⁷ Natŭrŭ pema Pa Chaueneēgŭ i Yudŭgŭx, rŭ ñaperŭgŭgŭ:

“Toma rŭ Yudŭgŭ tixŭgŭ rŭ meāma nŭxŭ tacuèx i Tupanaârŭ mugŭ ga Moŭché ŭmatŭxŭ”, ñaperŭgŭgŭ. Rŭ ngēmaācŭ nagu perŭxŭnŭē na

Tupanapēxewa pimexū erū meāma nūxū pecuèx i ngēma Tupanaārū mugū ga Moīché ūmatūxū. Rū ngēmaācū Tupanamaā pegū picuèxūūgū erū nagu perūxīnūē na Tupana pexū nangechaūxū erū Yudíugū pixīgū. ¹⁸ Rū nūxū pixu na meāma nūxū pecuáxū i tacū nixī i Tupanaārū ngúchaū rū tacū nixī i mexū rū tacū nixī i chixexū. Rū Tupanaārū mugūwa naxcèx pengúe na naxcèx pedauxū i ngēma aixcūma mexū ixīxū. ¹⁹ Rū pema rū ñaperūgūgū:

“Toma rū meāma nūxū tacuèx na tanaxucuxēxū i ngēma togū i duūxūgū i tama Tupanaxū cuèxgūxū. Rū meāma nūxū tacuèx na itayanawēxāchixēēxū i ngēma togū i chixexūwa ngēxmagūxū”, ñaperūgūgū. ²⁰ Rū pema nagu perūxīnūēgu rū nūxū pecuèx na ñuxācū penaxucuxēxū i ngēma togū i duūxūgū i tama Tupanaxū cuèxgūxū rū ñuxācū penangúexēēxū i ngēma duūxūgū i ngexwacèx yaxōgūxū. Rū ngēmaācū nagu perūxīnūē na togūarū ucuxēruūgū pixīgūxū, erū Tupanaārū mugūwa pengúe rū ngēmacèx meāma nūxū pecuèx i tacū nixī i mexū rū tacū nixī i ore i aixcūma ixīxū. ²¹ Rū dūcax, Pā Chaueneēgū i Yudíugūx, pema na togūxū pengúexēēxū, ¿rū tūxcūū tama pegūtama pengúexēē? Pema nūxū pixu na tama namexū na ingīxū, ¿rū tūxcūū i pema ipengīēxū? ²² Rū pema nūxū pixu na tama namexū na naī i ngemaā ipexū, ¿rū tūxcūū i pema i ngēmaācū pemaxēxū? Rū pema na naxchi pexaie xū i togūarū tupanagūnetachicūnèxāgū, ¿rū tūxcūū i naxcèx pengīēxū i norū tupaucagūarū ngēmaxūgū? ²³ Pema nūxū pixu na namexū i Tupanaārū mugū

i ümatüxŭ, rü petaãẽ erü meã nüxŭ pecuèxgü i ngẽma mugü. Natürü Tupanamaã chixexŭ pexüe, erü tama naga pexĩnüẽ i ngẽma pexŭ namuxŭ i norü mugüwa. ²⁴ Rü ngẽmacèx i Tupanaãrü ore i ümatüxŭwa rü ñanagürü:

“Rü pegagu nixĩ na chixri Tupanachiga yadex-agüxŭ i ngẽma duïxügü i tama Yudíugü ixĩgüxŭ”,

ñanagürü. ²⁵ Pema rü pegü ípewiechèxmüpẽxechiraüğü na Tupanaãrü duïxügü pixĩgüxŭcèx. Rü name nixĩ na penaxüxŭ i ngẽma, ega aixcüma naga pexĩnüẽgu i Tupanaãrü mugü. Natürü ngẽxguma chi tama naga pexĩnüẽgu i Tupanaãrü mugü, rü woo Yudíugü pixĩgügu, natürü Tupanapẽxewa rü taxuwama pexŭ name i ngẽma na pegü ípewiechèxmüpẽxechiraüğüxŭ. ²⁶ Rü ngẽma togü i duïxügü i tama nügü íwiechèxmüpẽxechiraüğüxŭ, rü woo tama ngẽma naxügügu, natürü Tupanaãrü duïxügü tá nixĩgü ega naga naxĩnüẽgu i norü mugü. ²⁷ Rü dücax, Pa Chaueneẽgü i Yudíugüx, rü ngẽma duïxügü i tama íwiechèxmüpẽxechiraüğüxŭ natürü naga ñnüexŭ i Tupanaãrü mugü, rü ngẽma duïxŭ rü tá Tupana-pẽxewa pexŭ nixu na ñuxãcü pechixexŭ. Rü ngẽmaãcü tá pexŭ naxüpetü erü tama naga pexĩnüẽ i Tupanaãrü mugü i woochirëx na nüxŭ pecuáxŭ i ngẽma mugü, rü woochirëx na ípewiechèxmüpẽxechiraüğüxŭ. ²⁸ Rü dücax, rü tama ngẽma na Yudíuxacügü pixĩgüxŭcèx nixĩ na aixcüma Tupanaxãcügü pixĩgüxŭ. Rü tama ngẽma na ípewiechèxmüpẽxechiraüğüxŭcèx nixĩ na Tupanaãrü duïxügü pixĩgüxŭ. ²⁹ Erü

yíxema aixcüma tümaârü maxñewa Tupanaga ññuxê tixĩ ya aixcüma Tupanaxãcü ixĩxê. Rũ ngêxguma aixcüma taãewa yaxõxgu nixĩ i aixcüma Tupanaârü ixĩxũ. Rũ Tupanaãe i Ünexũ nixĩ i tüxũ rüngüxêxũ na yaxõxçèx, rũ tama ngêma mugü ga Moĩché umatüxügagu nixĩ. Rũ yíxema aixcüma Tupanaârü ixĩxê, rũ Tupana rũ tümamaã nataãe woo duñxügü tama tümamaã taãegügu.

3

¹ ¿Rũ ñuxma rũ tacüwa tüxũ namexũ na Yudiügü ixĩgüxũ? ¿Rũ tacüwa namexũ na íwiewhèxmüpêxechiraügüxũ? ² Rũ poraãcüxüchima tüxũ name na Yudiügü ixĩgüxũ. Yerü nüma ga Tupana rũ tüxnaxüchi nixĩ ga naxãaxũ ga norü mugü i umatüxũ. ³ ¿Rũ tacü tá ngupetüxũ i ñuxma ega ñuxre i tatanüxũ i Yudiügü rũ tama meã yanguxêëgüãgu i ngêma Tupana tüxũ muxũ? ¿Rũ pexçèx rũ ngêmacèx tãütáma yanguxêëãxũ ya Tupana i ngêma tamaã inaxunetaxũ? ⁴ Rũ tama ngêmaãcü nixĩ. Erü woo guxũ i duñxügü rũ yadoratèëxgügu, natürü Tupana rũ taguma nidora rũ guxüguma nayanguxêë i ngêma nüma tamaã inaxunetaxũ. Rũ yemacèx norü ore ga Dabí umatüxüwa rũ ñanagürü:

“Cumax, Pa Tupanax, rũ aixcüma nixĩ i curü ore i nüxũ quixuxũ. Rũ ngêxguma cuxũ tangugügügu rũ nüxũ tadaugü na aixcüma cumexũ”,
ñanagürü. ⁵ Natürü duñxügü rũ ínatüe erü ñanagürügü:

“Rü nüetama nixĩ na chixexũ ixügũxũ erü ngẽmaãcü yexeraãcü nangox na namecũmaxũ ya Tupana”, ñanagürügü. Rü ñanagürügü ta:

“Rü ngẽxguma chi tórü chixexũgagu yexeraãcü nangoxgu na aixcüma namecũmaxũ ya Tupana, rü maneca tama name ega tórü chixexũcèx tũxũ napoxcuegu”, ñanagürügü. ⁶ Natürü ngẽma ñaxũgu na naxĩnũèxũ i duũxũgü rü poraãcü ínatüe, erü tama ngẽmaãcü nixĩ. Erü ngẽxguma chi tama namexgu ya Tupana, ¿rũ ñuxãcü chi i meã duũxũgũxũ yacagũxũ i naãneãrũ guxgu? ⁷ Natürü i duũxũgü rü ñanagürügü:

“Rü ngẽxguma chi chorü chixexũgagu yexeraãcü nangoxgu na ñuxãcü aixcüma namexũ ya Tupana, ¿rũ tũxcũ yĩxũ i choxna naçaxũ naxcèx i chorü chixexũ rü choxũ napoxcuxũ naxcèx i ngẽma?” ñanagürügü. ⁸ Natürü ngẽma ñaxũgu na naxĩnũèxũ i duũxũgü rü poraãcü ínatüe. Erü ngẽxguma chi aixcüma yixĩgu i ngẽma nagu naxĩnũèxũ i duũxũgü, rü chi narümemaẽ nixĩ na yexeraãcü chixexũ naxügũxũ na yexeraãcü mexũ na ínguxuchixũcèx. Rü dũcax, Pa Chaueneẽgũx, nangẽxma i chixexũ i duũxũgü i choxũ ügagũmarexũ i nüxũ ixügũexũ na ngẽma yĩxũ i chorü nguxẽetae i duũxũgũxũ namaã changũexẽexũ. Natürü ngẽma duũxũgü i ngẽma ñagũxũ rü nagagu tátama napoxcue.

Guxãma i yixema rü taxüetüxũgü

⁹ ¿Rũ ñuxãcü nixĩ i ñuxmax? ¿Pexcèx rü yixema i Yudíugü rü togü i duũxũgũarü yexera Tupanapẽxewa imexũ? Pemaã nüxũ chixu rü tama ngẽmaãcü nixĩ. Erü guxũma i duũxũgü i Yudíugü ixĩgũxũ rü guxũma i duũxũgü i tama Yudíugü

ixīgüxŭ, rü naxüetüxŭgü. ¹⁰ Erü Tupanaärü ore i ümatüxŭwa rü ñanagürü:

“Rü tataxuma ya texé ya aixcüma Tupanapëxewa mexë, rü bai ya wüxie. ¹¹ Rü tataxuma ya texé ya aixcüma nüxŭ cuáxe i Tupanaärü ore na ñuxácü nanaxwëxexŭ na naxcèx imaxëxŭ. Rü tataxuma ya texé ya aixcüma Tupanacèx dauxe. ¹² Rü guxâma ítatüe, rü guxâma itayarütauxe rü chixexŭ taxügü i Tupanapëxewa. Rü tataxuma ya texé ya aixcüma mexŭ üechaxe, rü bai ya wüxie. ¹³ Rü tümaâx rü wüxi i yuetamaxŭ i ingenaxürüü nixí erü ngema ítanaxŭxŭxëë i nagüxŭraŭxŭ i dexa i chixexŭ. Rü tümaärü conümaã rü poraãcü tidorae. Rü ngëma tümaärü dexa rü ñoma äxtapeguchatarüü nixí erü togüxŭ nachixexëë. ¹⁴ Rü chixexŭ i ore i duŭxŭgüãëwa ngüxŭmaãxícatama tidex-agü. ¹⁵ Rü ítamemare na duŭxëxŭ timáxŭ. ¹⁶ Rü ngextá ítaxíxŭwa rü togüxŭ tachixexëë rü tanangechaŭxëë rü chixexŭgu tanayixëë. ¹⁷ Rü tama nüxŭ tacuèx na ñuxácü togü i duŭxŭgüxŭ tangechaŭgüxŭ rü meã natanüwa tamaxëxŭ. ¹⁸ Rü tama nüxŭ tacuáxchaŭ na Tupanaxŭ tamuŭëxŭ”,

ñanagürü i ngëma ore i ümatüxŭwa. ¹⁹ Rü nüxŭ tacuèx rü ngema poxcu i Tupanaarü mugüwa nüxŭ yaxuxŭ rü naxcèx nixí i ngema Yudíugü ga natanüwa nanguxŭ ga yema mugü. Rü woo ngema tama Yudíugü ixīgüxŭ i duŭxŭgücèx rü ta nixí i ngema poxcu. Erü taxúema aixcüma naga taxñü i ngëma mugü. Rü ngëmacèx taxucürüwa texé Tupanapewa tügü ítapoxŭ i ngëxguma Tu-

pana tũxũ icagũgu i tũmaãrũ pecaduchiga. ²⁰ Rũ ñuxma na taxũema aixcũma naga ñnũẽxũ i ngẽma mugũ, rũ ngẽmacèx taxucũrũwama texé tũgũ tixu na ngẽma mugũ taxaurexũgagu Tupanapẽxewa tamexũ. Erũ ngẽma mugũ tũxũ nũxũ cuèxẽẽxũ nixĩ na poraãcũ ipecaduãxgũxũ.

Tórũ õgagu nixĩ i Tupana tũxna naxãxũ i maxũ

²¹⁻²² Rũ ñuxma na taxucũrũwama Tupanapẽxewa tũxũ yamexẽẽxũ i ngẽma mugũ, rũ ngẽmacèx ya Tupana rũ tũxũ nũxũ nacuèxẽẽ na ñuxãcũ yĩxũ i tũxũ yamexẽẽxũ na napẽxewa imexũcèx. Rũ pemaã nũxũ chixu rũ Ngechuchu ya Cristuaxũ na yaxõgũxũgagu nixĩ i tũxũ yamexẽẽxũ ya Tupana na aixcũma napẽxewa imexũcèx. Rũ yema mugũ ga Moĩché ũmatũxũ rũ yema ore ga nuxcũmaũgũxũ ga orearũ uruũgũ ũmatũxũ rũ tũxũ nũxũ nacuèxẽẽ i ngẽma. Rũ yema mexũ ga Tupana taxcèx ũxũ ga yexguma núma namuãgu ga Nane na tórũ pecadu naxũtanũxũcèx, rũ guxũ i duũxũgũ i yaxõgũxũcèx nixĩ, erũ Tupanapẽxewa rũ nawũxigu i guxũma i ngẽma duũxũgũ. ²³ Rũ guxãma tipecaduãxgũ rũ nũxna tayaxũgugũ ya Tupana ya tũxũ maxẽxẽẽcũ. ²⁴ Natũrũ ga Tupana rũ poraãcũ tamaã namecũma rũ yemacèx tũxũ nangetanũãcũma tũxũ nimexẽẽgũ na napẽxewa imexũcèx. Rũ ñuxma rũ tũxũ nangẽxma i maxũ i taguma gũxũ, yerũ Ngechuchu ya Cristu rũ marũ tũxũ nanaxũtanũ ga tórũ pecadugũ. ²⁵⁻²⁶ Rũ Tupana rũ aixcũma núma nanamu ga Cristu na nayuxũcèx rũ yemaãcũ tórũ pecadu naxũtanũxũcèx na Tupana tũxũ nũxũ rũngũmaxũcèx i ngẽxguma aixcũma Cristuaxũ

yaxōgūgu. Rū yemaācū nanaxū ga Tupana na tūxū nūxū nadauxēēxūcèx na ñuxācū nūma nūgūcèx tūxū yamexēēxū na aixcūma napēxewa imexūcèx. Rū nuxcūma ga Tupana rū yaxna namaā naxīnū ga duūxūgū ga yexguma chixexū naxūegu, rū tama paxa nanapoxcue. Rū ñuxma rū ta tūxū nanawēx na ñuxācū aixcūma namexū i ngēma nūma naxūxū erū tūxū ínapí i tórū pecadugū. Rū ngēmaācū tūxū nūxū nadauxēē na ñuxma rū ta aixcūmacū yīxū i ngēxguma tūxū yaxuxgu na napēxewa marū timexū ya guxāma ya yíxema Ngechuchuaxū yaxōgūxe. ²⁷ Rū ngēmacèx i ñuxma rū taxucūrūwama yigū ticuèxūūgū rū nūxū tixu na yixematama yigū imexēēgūxū i napēxewa. Erū taxucūrūwama texé tūgū tamexēē i Tupanapēxewa. Rū tama ngēma na naxaurexūcèx i ngēma mugū nixī i imexū, rū tama ngēma na mexū ixūgūxūcèx nixī i imexū. Natūrū Tupanapēxewa time i ñuxma, erū Cristuaxū tayaxōgū. ²⁸ Rū yixema nūxū tacuèx rū ngēxguma Cristuaxū yaxōgūgu nixī i Tupanapēxewa imexū, rū tama ngēma mugū na ixauregūxūcèx nixī i napēxewa imexū. ²⁹ ¿Éxna pexcèx rū Tupana rū Yudíugüarū Tupanaxīcatama yīxū? ¿Rū tama éxna i ngēma togū i duūxūgüarū Tupana rū ta yīxū? Ngēmaācūx, ngēma togū i duūxūgū i tama Yudíugū ixīgūxūārū Tupana ta nixī. ³⁰ Rū nūxū tacuèxgū na nangēxmaxū ya wūxitama ya Tanatū ya Tupana. Rū guxūma i duūxūgū i Cristuaxū yaxōgūxū, rū nūma ya Tupana rū nayamexēē na napēxewa yamexūcèx. Rū ngēmaācū i nūma ya Tupana rū Yudíugūxū nimexēē i ngēxguma yaxōgūāgu. Rū ngēxgumarū ta nayamexēē i guxūma i togū i

duŭxŭgü i ngëxguma Cristuaxŭ yaxōgüãgu. ³¹ Rŭ ñuxma na Cristuaxŭ yaxōgŭxŭ, rŭ bexmana nagu perŭxĩnŭë na ngëmaãcŭ iyanaxoxëëxŭ i ngëma mugŭ. Natŭrŭ tama ngëmaãcŭ nixĩ. Erŭ ñuxma na Cristuaxŭ yaxōgŭxŭ rŭ aixcŭma tayanguxëë i ngëma Tupana tŭxŭ muxŭ.

4

Abráŭ rŭ Tupanaãxŭ nayaxō rŭ yemacèx Tupana nŭxŭ nixu na namexŭ

¹ ¿Rŭ ñuxma rŭ ñuxŭ ñagŭxŭ tá i nachiga ga nuxcŭmaŭcŭ ga tórŭ oxĩ ga Abráŭ? ¿Rŭ ñuxãcŭ nixĩ ga nŭxŭ naxŭpetŭxŭ ga Tupanapëxewa? ¿Rŭ tŭxcŭŭ yĩxŭ ga Tupana nŭxŭ ixuxŭ ga Abráŭ rŭ mecŭ na yĩxŭ? ²⁻³ Rŭ dŭcax, yexguma chi wŭxi ga norŭ puracŭ ga mexŭcèx Tupanapëxewa namexgu ga Abráŭ, rŭ yexguma chi waxĩ nixĩ ga nŭxŭ nayexmaxŭ ga tacŭcèx nŭgŭ na yacuèxŭxŭ. Natŭrŭ taxucèxma Tupanapëxewa nŭgŭ nicuèxŭŭ ga Abráŭ, erŭ Tupanaãrŭ ore i ũmatŭxŭwa rŭ ñanagŭrŭ:

“Abráŭ rŭ Tupanaãxŭ nayaxō, rŭ yemacèx Tupana nanayaxu rŭ nŭxŭ nixu na namexŭ”, ñanagŭrŭ i ngëma ore. ⁴ Rŭ ngëxguma texé wŭxi i puracŭ ũxgu rŭ tŭxŭ naxŭtanŭgu rŭ woetama tŭmaãrŭ natanŭ nixĩ rŭ tama ãmare nixĩ i ngëma. ⁵ Natŭrŭ tama ngëmaãcŭ nixĩ i ngëxguma Tupanaãxŭ yaxōxgu. Erŭ ngëxguma yaxōxgu, rŭ tama tacŭ rŭ puracŭ i mexŭcèx nixĩ i Tupanapëxewa imexŭ, natŭrŭ Tupanapëxewa time erŭ tayaxō. Rŭ ngëmaãcŭ Tupana tŭxŭ nayaxu ya yixema yaxōxë woo taxuŭma i tacŭ rŭ puracŭ i mexŭ taxŭxgu na ngëmacèx Tupana

tūxū rüngūxēēxū. ⁶ Rū nuxcūmaūcū ga ãēxgacū ga Dabí rü ta tūmachiga nidexa ga guxema duūxē ga yaxōxē. Rū nüxū nixu ga na tataãēxū ga guxema duūxē yerü Tupanapēxewa tame, woo tama Ꞥacū rü mexū taxūxgu na yemaãcū Tupanapēxewa tamexūcèx. ⁷ Rū nüma ga Dabí rü ñanagürü:

“Rü tataãēgü ya yíxema duūxēgü ya Tupana tūmaārü chixexūgūxū ngechaūxē rü tūmaārü pecadugūxū iyanangūmaxē. ⁸ Rū tataãē ya yíxema duūxē ya Tupana tama tūxū nagu naxīnūxē i tūmaārü pecadu”,

ñanagürü ga Dabí. ⁹ Rū dücax, Ꞥpecèx rü ngēma taãē rü ngēma duūxūgü i Yudíugü ixīgūxūcèxicatama yīxū, rü ēxna ngēma togü i duūxūgūcèx ta yīxū? Dücèx, rü marü pemaã nüxū tixu rü Tupanapēxewa name ga Abráū yerü nayaxō. Rū yemacèx Tupana nanayaxu.

¹⁰ ꞤNatürü ñuxgu nixī ga nayauxāxū? ꞤÉxna marü ínawiechèxmüpechiraūguwena, rü ēxna naxūpa ga na ínawiechèxmüpechiraūxū? Rū pemaã nüxū chixu rü naxūpa nixī ga na Tupana nayaxuxū ga Abráū. ¹¹ Rū Tupana nayaxuxguwena nixī ga ínawiechèxmüpechiraūxū ga Abráū. Rū yema nixī ga norü cuèxruū ga nawa nüxū nacuáxū na aixcūma Tupana marü nayaxuxū rü nüxū nadauxū na namexū yerü nüxū nayaxō. Rū ngēmacèx i ñuxma ya Abráū rü tūmanatü yīxū ya guxāma ya yíxema yaxōgūxe woo tama ítawiechèxmüpechiraūgūgu. Rū ngēmaãcū ya Tupana rü tūxū nayaxu ya guxāma ya yíxema yaxōgūxe, rü tūxū nadau na timexū erü tayaxōgü.

¹² Rū ngēxgumarūū ta ya Abráū rü tūmanatü nixī

ya guxãma ya yixema íwiechèxmüpêxechiraũgũxe rü Abráũrũũ yaxõgũxe. Natürü tama ngẽma na tũgũ ítawiechèxmüpêxechiraũgũxũcèx nixĩ i tũmanatũ yĩxũ. Natürü tũmanatũ nixĩ erũ tayaxõgũ yexgumarũũ ga na yaxõõxũ ga nüma ga tanatũ ga Abráũ naxũpa ga na ínawiechèxmüpêxechiraũxũ.

Abráũ rü Tupanaãxũ nayaxõ rü yemacèx Tupana nayanguxẽẽ ga norũ uneta ga Abráũmaã nüxũ yaxuxũ

¹³ Rũ Tupana rü Abráũmaã inaxuneta na nüma ya Abráũ rü guxũma i naxrũũ yaxõgũxũ rü tá na nayauxgũãxũ i ñoma i naãne na noxrũ yĩxũcèx. Natürü tama yema na mugũ naxaurexũcèx nixĩ ga Tupana yemaãcũ Abráũmaã ixunetaxũ. Natürü yemaãcũ namaã inaxuneta yerũ Abráũ nayaxõ, rü yemacèx Tupanapêxewa name. ¹⁴ Natürü ngẽxguma chi ngẽma duũxũgũ i mugũ aurgũxũcèxicatama yixĩgu i ngẽma Tupanaãrũ uneta, rü natũcèxmamare chi nixĩ i ngẽma na yaxõgũxũ, rü chi ngẽma Tupanaãrũ uneta rü taxuwama name. ¹⁵ Nüxũ tacuèx rü ngẽma mugũ ga Moĩché ũmatũxũ rü poxcuwa tũxũ naga erũ taxúema aixcũma meã tayanguxẽẽ. Natürü yexguma chi natauxguma ga yema mugũ rü tataxu chima na texé chixri yanguxẽẽxũ. ¹⁶ Rũ yexguma Tupana Abráũmaã ixunetagu na nüxũ tá nangũxẽẽxũ, rü Abráũãrũ õgagu nixĩ ga namaã inaxunetaxũ. Rũ ngẽmacèx i guxãma i yixema na Abráũrũũ yaxõgũxũ rü taxcèx ta nixĩ ga yema Tupanaãrũ uneta ga Abráũmaã nüxũ yaxuxũ. Rũ ngẽmawa nüxũ tacuèx rü tama yixema mugũ aurgũxecèxicatama nixĩ i ngẽma Tupanaãrũ uneta,

natürü guxãma ya yíxema Abráŭrŭü Tupanaãxŭ
 yaxõgüxecèx ta nixĩ. Rŭ ñuxma rŭ guxãma i yix-
 ema na Abráŭrŭü meã yaxõgŭxŭ rŭ Abráŭxãcŭgŭ
 tixĩgŭ rŭ nŭma rŭ tanatŭ nixĩ i Tupanapëxewa
 yerŭ nŭxĩra nayaxõ. ¹⁷ Rŭ Tupanaãrŭ ore i
 ũmatŭxŭwa rŭ Abráŭchigaxŭ nixu rŭ ñanagŭrŭ:
 “Rŭ muxŭma i duŭxŭgŭnatŭ tá cuxŭ chixĩxëẽ”,
 ñanagŭrŭ. Rŭ Abráŭ rŭ Tupanaãxŭ nayaxõ, rŭ
 yemacèx Tupana nayanguxëẽ ga norŭ uneta ga
 namaã nŭxŭ yaxuxŭ. Rŭ yima Tupana nixĩ ya
 wena namaxëxëcŭ i yuexŭ. Rŭ yimatama nixĩ ya
 naxŭcŭ i ngẽma woo ñuxma taxuxŭ. ¹⁸ Rŭ nŭma
 ga Abráŭ rŭ aixcŭma nayaxõ ga yexguma Tupana
 nŭxŭ ñaxgu:
 “Rŭ tá namuxŭchi i cutaagŭ”,
 ñaxgu. Rŭ woo ga Abráŭ ga marŭ
 yaguãxŭchichirëx na yĩxŭ rŭ na nangexacŭxŭ,
 natürü nayaxõõma ga yema Tupanaãrŭ uneta
 rŭ meã ínananguxëẽ na wŭxi ga nane tá nŭxŭ
 yexmaxŭ. Rŭ yemaãcŭ ningu na muxŭma i
 duŭxŭgŭnatŭ yĩxŭ, yema Tupana namaã nŭxŭ
 ixuxŭrŭü. ¹⁹ Rŭ Abráŭ rŭ wixguxuchi 100 ga
 taunecŭ nŭxŭ nayexma ga yexguma. Natürü
 tama inayarŭmaãchi ga na yaxõõxŭ woo nŭxŭ
 na nacuáxŭ ga paxa tá na nayuexŭ ga nŭma rŭ
 namèx ga Chara rŭ marŭ poraãcŭ nangupetŭarŭ
 taunecŭãxgŭxŭ ga na naxãxãcŭgŭxŭcèx. ²⁰ Rŭ
 yemaãcŭ ga Abráŭ rŭ nayaxõõma na nŭxŭ tá
 nayexmaxŭ ga wŭxi ga nane yema Tupana namaã
 ixunetaxŭrŭü. Rŭ tama nagu narŭxĩnŭ na Tupana
 ngŭrŭãchi nawomŭxëẽxŭ. Natürü yexeraãcŭ
 Tupanaãxŭ nayaxõõma, rŭ nŭxŭ nicuèxŭü. ²¹ Rŭ
 aixcŭmaxŭchi nayaxõ na naporaxŭ ya Tupana

na yanguxēēxūcèx i guxūma i ngēma norū uneta. ²² Rū yemacèx ga Tupana rü nüxū nixu na napēxewa namexū ga Abráū. Yerū Tupana nüxū nadau ga ñuxācū aixcūma nüxū na yaxōōxū. ²³ Rū tama Abráūchigaxicatama nixī ga naxūmatūxū ga Tupanaārū ore ga ñaxū:

“Rū Tupana rü nüxū nixu na napēxewa namexū ga Abráū, yerū nüxū nadau ga ñuxācū aixcūma nüxū na yaxōōxū”,

ñaxū. ²⁴ Natürü guxāma i yixema na yaxōgūxūchiga ta nixī i ngēma ore. Erū Tupana rü tórü ōgagu tūxū nade na napēxewa imexū i yixema i nüxū na yaxōgūxū ya yīma yuwa tórü Cori ya Ngechuchuxū írūdaxēēcū. ²⁵ Rū Ngechuchuxū nixī ga namuxū ga Tupana na tórü pecaducèx nayuxūcèx. Rū ñuxūchi nūma ga Tupana rü wenaxārū Ngechuchuxū ínarūdaxēē na nagagu imexūcèx i Tupanapēxewa.

5

Ñuxma rü Tupanapēxewa tame erü Cristuaxū tayaxōgū

¹ Rū ñuxma rü Tupanapēxewa time erü tayaxōgū. Rū ngēmacèx marū tama Tupanamaā taxuwanūāxgū i ñuxmax, erü tórü Cori ya Ngechuchu ya Cristu rü marū tamaā nanangūxmūxēē ya Tupana. ² Rū Cristugagu nixī na tamaā namecūmaxū ya Tupana i ñuxmax erü tayaxōgū. Rū nüxū tacuèx rü guxūgutáma tamaā namecūma. Rū tataāēgū erü nüxū tacuèx na tūxū tá nangēxmaxū i tachica i mexū i Tupanaxūtawa. ³ Rū ngēxgumarūū ta tataāēgū i woo ngúxū

ingegūgu. Erū nūxū tacuèx rü ngēma ngúxū rü tūxū narüngūxēē na yexeraācū iporaexū rü yaxna namaā ixīnūēxūcèx. ⁴ Rū ngēxguma yaxna namaā ixīnūēgu rü Tupana rü tamaā nataāē. Rū ngēma na tamaā nataāēxū rü ngēmacèx meā ítananguxēē na tūxū tá nangēxmaxū i tachica i mexū i Tupanaxūtawa. ⁵ Rū ñuxma na ínanguxēēxū na tūxū tá nangēxmaxū i tachica i Tupanaxūtawa, rü ngēmacèx taxucèxma tangechaūgū. Erū Tupana rü poraācū tūxū nangechaū. Rū ngēma Naāē i Üünexū i tūxna namuxū nixī i tūxū nūxū cuèxēēxū i ngēma. ⁶ Rū yexguma taxucürüwama yigütama imaxēēēgu, rü nawa nangu na Tupana yanguxēēxū ga yema norü uneta. Rū yexguma nixī ga ñoma ga naānewa namuāxū ga Cristu na pecaduāxgūxūcèx nayuxūcèx. ⁷ Rū tama natauxcha na wūxie rü to i duūxūcèx tayuxū, woo wūxi i duūxū i mexūcèx yixīgu. Rū woo tangēxmagu ya texé ya naxcèx yuchaūchiréxe i wūxi i duūxū i aixcūma mexēchixū, natürü tama tūxū natauxcha i ngēma. ⁸ Natürü Tupana tūxū nūxū nadauxēē na ñuxācū tūxū nangechaūxū yerü yexguma ipecaduāxgūgu nixī ga taxcèx nayuxū ga Cristu. ⁹ Rū ñuxma rü Tupanapewa time yerü taxcèx nayu ga Cristu. Rū ngēmacèx meāma nūxū tacuèx rü nūma rü aixcūma tá tūxū ínanguxūxēē na tama tūxū napoxcuexūcèx ya Tupana. ¹⁰ Rū yexguma norü uwanügū ixīgūgu, rü nūmatama ga Tupana rü nügūmaā tūxū narüngūxmūēēē ga yexguma nayuxgu ga Nane. Rū ñuxma na marü namaā irüngūxmūēxū, rü yexeraācū nūxū tacuèx na tūxū nangēxmaxū i maxū i taguma gúxū nagagu na namaxūxū i

nūmax. ¹¹ Rū tama ngēxīcatama nixī. Natürü i ñuxma rü tórü Cori ya Ngechuchu ya Cristugagu rü Tupanamaã tataãëgü, yerü Cristugagu nixī ga Tupana ga tamaã nangüxmüxü.

Adáŭchiga rü Cristuchiga

¹² Rū nüxiraxücü ga yatü ga Adáŭgagu nixī ga guxüma ga duŭxügüwa nanguxü ga pecadu. Rū pecadugagu ínangu i yu. Rū yemaãcü guxüma ga duŭxügüwa naxüe na nayuexü, yerü guxüma nipecaduãx. ¹³ Rū naxüpa na Tupana Moïchéna naxãxü ga yema mugü ga naxümatüxü, rü duŭxügü rü chixexü naxüğüecha, rü yemacèx nayue. Natürü yema mugü rü tauta nayexma ga yexguma, rü yemacèx taxucürüwa texé nüxü tixu ga yema duŭxügü ga na chixri naga naxĩnüëxü ga yema mugü. ¹⁴ Rū yema duŭxügü ga Adáŭwena buexü rü tama Adáŭrüü nanangõx ga yema orix ga Tupana nüxna chuxuxü. Natürü chixexü naxüğü, rü yemacèx nayue. Rū yemaãcü nixī ñuxmata Tupana Moïchéna naxã ga yema mugü ga naxümatüxü. Rū Adáŭwa inaxüğü na nayuexü ga duŭxügü, natürü Cristuwa inaxüğü na nayaxuxü i maxü i taguma gúxü. ¹⁵ Natürü yema chixexü ga Adáŭ üxü rü taxuacü nagu tanangu i ngēma ãmare ga Tupana tüxna äxü, erü tama namaã nawüxigu. Rū aixcüma nixī ga wüxi ga yatüarü chixexügagu na nayuexü i guxüma i duŭxügü. Natürü tama yemaãcü tamaã nanaxü ga Tupana. Yerü nüma rü tüxü nangetanüãcüma núma nanamu ga Nane ya Ngechuchu ya Cristu na tórü pecaducèx nayuxüçèx. Rū yemaãcü guma Cristugagu Tupana nanamaxëxëë i muxüma

i duūxūgū. ¹⁶ Rū yema pecadu ga Adáū ūxū rū taxuacūma nagu tanangu ga yema āmare ga Tupana tūxna āxū. Yerū wūxitama ga Adáūārū pecadugagu, rū Tupana nūxū nixu rū tá nayu naxcèx ga yema. Natürü Ngechuchu ya Cristugagu rū Tupana nūxū nixu na napèxewa imexū rū nūxna línguxūxū i guxūma i tórū pecadugū. ¹⁷ Rū guxūma i duūxūgū nayue yerū wūxitama ga yatū ga Adáū rū pecadu naxū. Natürü tama yemaācū tamaā nanaxū ga Tupana, yerū ga nūma rū poraācū tamaā namecūma rū tūxū nangetanūācūma tūxū narüngūxēē. Rū ngēmacèx i ñuxma rū guxūma i ngēma duūxūgū i Tupana nūxū ixuxū na napèxewa yamexū, rū nūmatama ya Tupana rū Nane ya Ngechuchu ya Cristugagu nanamaxēxēē na namaā wūxigu āēxgacūgū yixīgūxūcèx. ¹⁸ Rū yema Adáūārū chixexū rū poxcuwa nanagagū ga guxūma ga duūxūgū. Natürü yema mexū ga Ngechuchu ya Cristu ūxū rū pecaduwa ínananguxūxēē i guxūma i duūxūgū i yaxōgūxū, rū nūxna nanaxā i maxū i taguma gūxū. ¹⁹ Rū guma nūxīraūcū ga yatū ga Adáū rū tama Tupanaga naxīnū. Rū yemaācū wūxitama ga yatūgagu rū muxūma ga duūxūgū rū nipecaduāx. Natürü ínangu ga guma yatū ga Ngechuchu, rū meā Tupanaga naxīnū. Rū gumagagu rū muxūma i duūxūgū rū tá nime i Tupanapèxewa. ²⁰ Rū Tupana rū Moīchéna nanaxā ga norū mugū na duūxūgūxū nūxū nacuèxēēxūcèx na ñuxācū poraācū pecadu naxūgūxū. Natürü yexguma yexeraācū pecadu naxūgūgu ga duūxūgū, rū yexeraācū Tupanaāxū nangechaūtūmūgū. ²¹ Rū ñuxma woo pecadugagu na iyuxū, natürü

Tupanaãxŭ tangechaŭtümüŭgü i guxŭguma. Rŭ ngẽmaãcü pecaduwa tŭxŭ ínanguxŭxêẽ na napẽxewa imexŭcèx rŭ tórŭ Cori ya Ngechuchu ya Cristugagu tŭxŭ nangẽxmaxŭcèx i maxŭ i taguma gŭxŭ.

6

Ñŭxma rŭ tama pecadu ixŭgŭxŭcèx nixŭ i imaxèxŭ, natŭrŭ Cristucèx nixŭ i imaxèxŭ

¹ Rŭ ñŭxma na Tupanaãxŭ ingechaŭtümüŭgŭxŭ, ¿rŭ ñŭxãcü tá imaxèxŭ i ñŭxma? ¿Rŭ pexcèx rŭ namexŭ na pecadu ixŭgŭechaxŭ na yexeraãcü Tupanaãxŭ ingechaŭtümüŭgŭxŭcèx? ² Rŭ dŭcax, tama ngẽmaãcü nixŭ. Erŭ ñŭxma pecaduchaxwa rŭ ñoma iyuxŭrŭŭ tixŭgŭ, erŭ marŭ tama naga taxŭnŭ. Rŭ ngẽmacèx tama name i yeŭcŭrŭ pecadu taxŭgŭecha. ³ ¿Tama êxna nŭxŭ pecuèx na ñacŭcèx yŭxŭ na íbaiŭxŭ? Rŭ ítabaiŭ na ngẽmaãcü duŭxŭgŭxŭ nawéxŭcèx na aixcŭma Ngechuchu ya Cristuarŭ duŭxŭgŭ na ixŭgŭxŭ. Rŭ yexguma íbaiŭgu, rŭ nŭma nayuxŭrŭŭ yexma nayu ga tacŭma ga nuxcŭmaŭxŭ. ⁴ Rŭ yexguma íbaiŭgu, rŭ Cristu yuxŭrŭŭ yexma nayu ga tacŭma ga nuxcŭmaŭxŭ, rŭ Cristu itáxŭrŭŭ inatèx ga yema tacŭma ga nuxcŭmaŭxŭ. Rŭ yemaãcü naxŭpetŭ na wena imaxèxŭcèx rŭ tŭxŭ nangẽxmaxŭcèx i maxŭ i ngexwacaxŭxŭ, yexgumarŭŭ ga Ngechuchu na yuwa írŭdaxŭ rŭ wena namaxŭxŭ ga yexguma Nanatŭ ga Tupana norŭ poramaã ínadxèẽgu. ⁵ Rŭ ñŭxma na Cristumaã wŭxigu nayuxŭ ga tacŭma ga nuxcŭmaŭxŭ, rŭ nŭxŭ tacuèx na aixcŭma Cristumaã tŭxŭ nangẽxmaxŭ i maxŭ i

ngexwacaxũxũ. ⁶ Rũ nüxũ tacuèx rũ yema tórũ maxũ ga nuxcũmaũxũ rũ Cristumaã wũxigu curuchagu nayu na yexma yanaxoxũcèx ga yema tacũma ga chixexũ. Rũ ñuxma rũ tama pecadutũũwa tangẽxmagũ, rũ ngẽmacèx marũ tama naga taxĩnũẽ. ⁷ Erũ yíxema yúxe rũ marũ tama pecadutũũwa tangẽxma na yeũcũrũ pecadu taxüechaxũcèx. ⁸ Rũ ñuxma na Cristumaã nayuxũ ga tórũ maxũ ga nuxcũmaũxũ, rũ nüxũ tacuèx na Cristurũũ tüxũ nangẽxmaxũ i maxũ i ngexwacaxũxũ. ⁹ Rũ nüxũ tacuèx rũ ñuxma na yuwa ínadxũ ya Cristu, rũ tagutáma wena nayu. Yerũ nüma rũ marũ yuxũ narüyexera. ¹⁰ Rũ yexguma nayuxgu ga Cristu rũ pecaducèx nixĩ ga nayuxũ, rũ noxtacũma yexma wũxicana ningutanũ ga guxũma ga duũxũgũarũ pecadugũ. Natürũ ñuxma na namaxũxũ, rũ Tupanacèx nixĩ i namaxũxũ na Tupanaãrũ ngúchaũ naxüxũcèx. ¹¹ Rũ ngẽxgumarũũ ta i pema rũ name nixĩ i pegũgu perũxĩnũẽ na marũ peyuexũ pecaduchaxwa rũ Tupanacèx pemaxẽxũ, erũ Ngechuchu ya Cristuarũ duũxũgũ pixĩgũ. ¹² Rũ ngẽmacèx rũ tama name i pecadutũũwa pegũ pengẽxmagũxẽẽ na pemaã inacuáxũcèx. Rũ tama name i penaxũchica i pecadu na pexeneãrũ ngúchaũgũ i chixexũ pexũ naxüxẽxũcèx. ¹³ Rũ tama name i pecaduna penaxãgũ i pexene na ngẽmamaã chixexũ pexũgũxũcèx. Rũ name nixĩ i Tupanana pegũ pexãgũ, erũ ñoma duũxũgũ i yuexũ rũ wena maxẽxũrũũ pixĩgũ. Rũ ngẽmacèx name nixĩ i Tupanana penaxãgũ i pexene na ngẽmamaã mexũ pexũgũxũcèx. ¹⁴ Rũ ñuxma rũ

tāūtáma pecadutüüwa pengëxmagü na pemaã inacuáxücèx. Rù yexguma yema mugü ga Moïché ümatüxüwe perüxĩxgu, rù pemaã inacuèx ga pecadu. Natürü i ñuxma rù Cristugagu Tupana pemaã namecüma, rù nüma nixĩ i pemaã inacuáxü i ñuxmax.

Ngëxguma wüxi i corimëxëwa yigü ingëxmagüxëëgu, rù ngëmaga nixĩ i ixĩnüëxü

¹⁵ Rù ñuxma na tama yema Moïché ümatüxü ga mugütüüwa ingëxmagüxü, rù ñuxma na Tupana rù Cristugagu tamaã mecümaxü, ¿rù ñuxãcü tá imaxëxü? ¿Rù pexcèx namexü na yeücürü pecadu ixügüechaxü? Rù dücax, tama name na ngëmaãcü imaxëxü. ¹⁶ Rù pema nüxü pecuèx rù ngëxguma wüxi i corimëxëwa pegü pengëxmagüxëëgu na naga pexĩnüëxücèx rù ngëma tá nixĩ i perü cori ixĩxü, rù pema rù norü duüxügü tá pixĩgü i ngëma cori i naga pexĩnüëxü. Rù ñuxma rù pema tá nüxü pedaugü ngoxi ngëxürüüxü perü me yixĩ na ngëmaga pexĩnüëxücèx. Rù ngëxguma pecadu i yuwa tüxü gagüxü perü me yixĩgu, rù ngëma tá nixĩ i pemaã icuáxü. Rù ngëxguma perü me yixĩgu na Tupanaga na pexĩnüëxü, rù yimaga tá pexĩnüë na napëxewa pimexücèx. ¹⁷ Natürü Tupanana moxë chaxã, yerü woo pepaduga na pexĩnüëchirëxü, natürü i ñuxma rù aixcüma naga pexĩnüë i ngëma nguxëëtae i marü peyaxuxü i Cristuchiga. ¹⁸ Rù ñuxma rù Tupanaârü duüxügü pixĩgü erü nüma rù chixexüna pexü íanguxüxëë na tama pecadu pexügüechaxücèx. Rù ngëmaãcü pexü narüngüxëë na napëxewa pimexücèx rù meã naxcèx pemaxëxücèx. ¹⁹ Rù ñoma i naãnecŭãx i duüxügümaã

chidexarüŭ nixĩ i tauxchaxŭ i oremaã pemaã chidexaxŭ i ñuxmax, erü pema rü woetama taguma nüxŭ pexĩnüë i ñaã ore, rü ngürüãchi tãütãma nüxŭ pecuèx i tacŭchiga na yĩxŭ i ngẽma pemaã nüxŭ chixuxŭ. Rŭ dücax, rü nuxcŭma rü ipenaxã ga pexene na namaã penaxügŭxŭcèx ga nagúxŭraŭxŭ ga chixexŭ. Natürü i ñuxma rü name nixĩ i Tupanana pegü pexã na aixcŭma napèxewa pexüünegŭxŭcèx rü naxcèxicatama pemaxèxŭcèx. ²⁰ Rŭ yexguma pecadutüŭwa peyexmagügu, rü taxucürŭwama Tupanapèxewa mexŭ pexügü ga yexguma. ²¹ ¿Natürü tacüwa pexŭ namexŭ ga yema chixexŭ i ñuxma rü wüxi i ãne pexna ãxŭ? Yerü yema chixexŭ rü yuwamare pexŭ nagagü, rü tama i maxŭwa. ²² Natürü marü tama pecadutüŭwa pengẽxmagü i ñuxmax, erü marü nüxna ípenguŭ rü marü Tupanaãrŭ duŭxügü pixĩgü. Rŭ ngẽma waxi nixĩ i poraãcü pexŭ mexŭ erü ngẽmagagu penayaxu i maxŭ i Tupanapèxewa ünexŭ rü ngẽmawena tá penayaxu i maxŭ i taguma gúxŭ. ²³ Rŭ ngẽma natanü na pecadu ixŭxŭ, rü yu nixĩ. Natürü yíxema tórü Cori ya Ngechuchuaxŭ yaxõgüxe, rü Tupana tŭxna nanaxãmare i maxŭ i taguma gúxŭ.

7

Wüxi i ngecü rü ngẽxguma nayutegu rü marü tama ngĩtemèxèwa ingèxma. Rŭ ñuxma na taxcèx nayuxŭ ya Cristu, rü marü tama yema Moïché ümatüxŭ ga mugütüŭwa tangèxmagü

¹ Pa Chaueneëgŭx, rü pema na nagu pexĩxŭ i ngẽma mugü, rü nüxŭ pecuèx rü ngẽxguma

tamaŭxguxicatama nixĩ na ngẽma mugütüŭwa tangẽxmaxũ ya wüxichigü ya duũxẽ. ² Rũ dücax, rü wüxi i ngecü i âtecü rü ngĩtemẽxẽwa ingẽxma ega namaxyane ya ngĩte, erü ngẽma ñanagürü i ore i mugü. Natürü ngẽxguma nayuxgu ya ngĩte, rü marü tama ngĩtemẽxẽwa ingẽxma. Rũ yema mugü ga ngĩtemẽxẽwa ngĩxũ yexmaxẽẽxũ ga noxri rü marü tama ngĩmaã inacuèx. ³ Rũ ngẽmaãcü i ngẽxguma namaxyane ya ngĩte rü to i yatümaã inapexgu, rü pecadu ixü. Natürü ngẽxguma marü nayuxgu ya ngĩte, rü marü nüxna ínguxuchi i ngẽma mugü ga ngĩtemẽxẽwa ngĩxũ yexmaxẽẽxũ ga noxrix. Rũ ngẽxguma wenaxârü naxãtegu rü taxuũma i chixexũ ixü. ⁴ Rũ ngẽxgumarüũ ta i pemax, Pa Chaueneëgüx, rü marü tama yema Moĩché ümatüxũ ga mugütüŭwa pengẽxmagü yerü nüma ga Cristu rü pexcèx nayu. Rũ ngẽmacèx i ñuxma rü Cristu ga yuwa írüdacüarü pixĩgü. Rũ ngẽmaãcü nanaxü ya Tupana na naxcèx imaxẽxücèx, rü norü ngúchaũ ixügüxücèx. ⁵ Rũ yexguma nuxcümaũxũ ga tacümawe rüxĩxgu rü poraãcü tanaxü ga taxüneãrü ngúchaũgü woo yema mugü tüxna na nachuxuxũ ga yema. Natürü yexguma nüxũ icuèxgu na nachuxuxũ ga yema pecadu ga ixüxũ, rü yexeraãcü tanaxüxchaũ. Rũ yemaãcü ga yema tórü pecadugü rü yuwa tüxũ nagagü. ⁶ Natürü i ñuxma rü marü tama ngẽma mugütüŭwa tangẽxmagü, erü Tupana rü marü nüxna tüxũ ínanguxüxëë. Rũ ngẽmacèx i ñuxma rü ñoma duũxüğü i iyuexürüũ tixĩgü i napẽxewa i ngẽma mugü, erü marü tama tamaã inacuèx. Rũ ngẽmacèx tama nagu taxĩ i ngẽma nuxcüma ümatüxũ ga mugü, erü marü nüxna ítanguxũ na

Tupanaãrũ ngúchaũ ixügüxüçèx rü naxçèx na imaxèxüçèx namaã i tórü maxũ i ngexwacaxüxũ i Naãẽ i Üünexũ tüxna ãxũ.

*Ngẽma pecadu i chowa ngẽxmaxũ rü chomaã in-
acuèx*

⁷ ¿Rü ñuxũ ñagüxũ tá i ñuxmax? ¿Rü pexçèx rü yema mugü yĩxũ ga tüxũ pecaduãxèèxũ? ¿Rü dücax, tama name i ngẽmaãcü nagu tarüxĩnũè! Natürü yexguma chi yema mugü rü tama choxũ nüxũ nacuèxèègu, rü tãũ chima nüxũ chacuèx na pecadutüũwa chayexmaxũ. Rü dücax, rü yexguma chi yema mugü rü tãũ chima choxũ nüxũ cuèxèègu na wüxi i pecadu yĩxũ na toguãxãrũ ngẽmaxüçèx chixauxãchixũ, rü tãũ chima nüxũ chacuèx na pecadu yĩxũ i ngẽma. ⁸ Natürü yexguma yema mugü choxũ nguxèègu na nachixexũ na toguãxãrũ ngẽmaxũ choxũ ngúchaũxũ, rü yexguma ga pecadu rü nayoxniè na yexeraãcü choxũ na nangúchaũxèèãxũ. Rü ngẽmaãcü nüxũ tadau rü ngẽxguma chi natauxgu i ngẽma mugü, rü tãũ chima nüxũ tacuèxgü na ñuxãcü wüxi i chixexüchixũ na yĩxũ i ngẽma pecadu. ⁹⁻¹⁰ Rü noxri tauta yema mugüxũ chacuèxgu, rü choma nagu charüxĩnügu rü chame. Natürü yexguma yema mugüxũ chacuèxgu, rü nüxũ chicuèxãchi na chixexũ chaxüxũ rü ngẽma chixexüçèx rü tá na chayuxũ. Rü yemaãcü ga yema mugü ga Tupana Moíchéna ãxũ na duüxügüxũ namaxèxèèxüçèx, rü choxũ nayuxèèãma. ¹¹ Rü nüma ga pecadu rü nayoxniè namaã ga yema mugü. Yerü yexguma yema mugü choxũ nguxèègu na ñuxãcü nachixexũ ga

yema pecadu, rü yexeraãcü choxũ nangúchaũ ga yema pecadu. Rü yemaãcü ga yema pecadu rü choxũ nawomüxêê rü nayoxniê namaã ga yema mugü rü yuwa choxũ naga. ¹² Natürü yema mugü rü aixcüma naxüüne i Tupanapêxewa. Rü guxüma i ngêma Tupana tamaã nüxũ ixuxũ rü naxüüne rü aixcüma name rü tüxũ narüngüxêê.

¹³ ¿Natürü ñuxãcü nixĩ i ngêma i ñuxmax? ¿Éxna pexcèx rü yema mugü yĩxũ ga yuwa choxũ gaxũ? Rü dücax, rü tama ngêmaãcü nixĩ. Erü ngêma pecadu nixĩ i Tupanaãrü mugümaã yoxniëxũ na yuwa choxũ nagaxücèx. Rü ngêmaãcü nüxũ tacuèx na ñuxãcü poraãcü nachixexũ i pecadu. Rü yexguma yema mugü choxũ nguxêêgu na ñuxãcü poraãcü nachixexũ ga yema pecadu, rü yexeraãcü choxũ nangúchaũ ga yema chixexũ rü yexeraãcü chanaxüama ga pecadu. ¹⁴ Nüxũ tacuèx i ngêma mugü rü Tupanaãe i Üünexüwa ne naxü. Natürü choma rü duüxümare chixĩ, rü ngêmacèx nixĩ i chomaã inacuáxũ i ngêma pecadu i chaxüxũ. ¹⁵ Rü tama nüxũ chacuèx na tacü choxũ üpetüxũ erü tama chanaxü i ngêma mexũ i chanaxwèxexũ na chaxüxũ, natürü ngêma chixexũ i tama chanaxwèxexũ na chaxüxũ rü ngêmaãma nixĩ i chaxüxũ. ¹⁶ Natürü i ñuxma na chanaxüxũ i ngêma tama chanaxwèxechiréxũ na chaxüxũ, rü ngêmawa nüxũ chicuèxãchi na namexũ i ngêma mugü. ¹⁷ Rü ngêmacèx i ñuxma rü tama chauechama nixĩ i chanaxüxũ i ngêma chixexũ. Natürü ngêma pecadu i chowa ngêxmaxũ nixĩ i chomaã icuáxũ, rü ngêma nixĩ i chixexũ choxũ üxêëxũ. ¹⁸ Rü choma nüxũ chacuèx rü wüxi i pecaduãxũ i duüxümare chixĩ, rü ngêmacèx

chowa rü nataxuma i tacü i mexü. Erü woo chanaxwèxe na mexü chaxüxü, natürü tama chomaã nanguxü na chanaxüxü. ¹⁹ Erü ngëma mexü i chanaxwèxexü na chaxüxü, rü tama chanaxü. Natürü chanaxüama i ngëma chixexü i tama chanaxwèxexü na chanaxüxü. ²⁰ Rü ngëxguma chi chanaxüamagu i ngëma chixexü i tama chanaxwèxexü na chaxüxü, rü meãma nangox na tama chauechama chanaxüxü. Natürü ngëma pecadu i chowa ngëxmaxü nixi i chomaã icuáxü rü chixexü choxü üxëëxü. ²¹ Rü ngëmaãcü nüxü chadau i ñuxãcü na chiixü. Rü ngëxguma mexü chaxüxchaügu rü choxü natauxcha na chixexüãma chaxüxü. ²² Choma rü chauãëwa rü chorü me nixi i Tupanaãrü mugü, rü naga chaxinüchaü. ²³ Natürü ñaã chaxune i ñoma i naãnecüãx ixixüwa, rü nangëxma i tacü i tama naxüxchaüxü i ngëma chauãë naxwèxexü. Rü ngëma pecadu i chowa ngëxmaxü nixi i chomaã icuáxü rü chixexü choxü üxëëxü. ²⁴⁻²⁵ Rü ngëmaãcü i choma rü chauãëwa chayanguxëëchaü i Tupanaãrü mugü, natürü ñoma i naãnecüãx i chaxune rü nanaxüxchaü i ngëma nanaxwèxexü i pecadu. Rü taxucëxma chataãë i chomax. ¿Rü texé tá nüxna choxü ítanguxuchixëë i ñaã pecadu i chowa ngëxmaxü rü yuwa choxü gaxchaüxü? Rü Tupanana moxë chaxã erü tórü Cori ya Ngechuchu ya Cristu rü tá choxü nüxna ínanguxuchixëë.

8

Tupanaãë i Üünexü naxwèxexüãcüma tamaxë

¹ Rū ñuxma ya Tupana rü marü taxucèxma nanapoxcue i ngëma duñxügü i Ngechuchu ya Cristuarü duñxügü ixīgüxü. ² Erü Tupanaãë i Üünexü i Ngechuchu ya Cristugagu tüxü maxëxëxü, rü nüxna tüxü ínanguxüxëë i pecadu na tama yuwa tüxü nagagüxücèx. ³ Rü yema taxünearü ngúchaügü rü marü nüxü narüyexera ga yema mugü ga Moiché ümatüxü. Rü yemacèx ga yema mugü rü taxücürüwa mexü tüxü naxüxëë. Natürü nüma ga Tupana rü marü nanaxü ga yema taxücürüwa naxüxü ga yema mugü. Yerü ga Tupana rü ñoma ga nañewa nanamu ga Nanexüchi. Rü woo taxüne i pecaduãxürüü nixí ga naxüne, natürü nüma ga Nane rü taguma napecaduãx. Rü nüma ga Nane rü tórü pecaducèx nayu, rü yemaãcü inayanaxoxëë ga norü pora ga yema pecadu ga taxünewa yexmaxü. ⁴ Rü yemaãcü nanaxü ga Tupana na tüxü na natauxchaxücèx na yanguxëëxü i ngëma tüxü namuxü i ngëma mugü. Erü ñuxma rü tama ñoma i taxüne naxwèxexüãcüma tamaxë, natürü Tupanaãë i Üünexü naxwèxexüãcüma nixí i imaxëxü. ⁵ Rü yíxema tümaxüne naxwèxexüãcüma maxëxë, rü naxcèx tadaugü i ngëma ñoma i nañecüãx naxwèxexü. Natürü yíxema Tupanaãë i Üünexü naxwèxexüãcüma maxëxë, rü ngëma Tupanaãë i Üünexü naxwèxexü nixí i naxcèx tadaugüxü. ⁶ Rü yíxema Tupanaãë i Üünexü naxwèxexücèx daugüxe rü tataãëgü, rü tá tüxü nangëxma i tümäärü maxü i taguma gúxü. Natürü yíxema tümaxüne naxwèxexücèx daugüxe rü ngëma rü tá yuwa tüxü nagagü. ⁷ Rü yíxema tümaxüne naxwèxexücèx

daugūxe rü Tupanamaã tarūxuwānūgū. Rū tama Tupanaga taxīnūēchaŭ erū taxucūrūwama naga taxīnūē. ⁸ Rū ngēmacèx ya yíxema tūmaxūneārū ngúchaŭwe rüxīxē, rü taxucūrūwa Tupanaārū ngúchaŭ taxūgū. ⁹ Natürü ngēxguma aixcūma pewa nangēxmagu i Tupanaãē i Üünexŭ rü tama pexeneārū ngúchaŭ pexū, natürü Naãē i Üünexŭārū ngúchaŭ nixī i pexūxŭ. Rū yíxema tama tūxŭ nangēxmaxē i Tupanaãē i Üünexŭ i Cristu tūxna āxŭ, rü tama Cristuarū duŭxŭ tixī. ¹⁰ Natürü ngēxguma pewa namaxūxgu ya Cristu, rü peāxē rü namaxŭ erū Cristugagu Tupana pexŭ nūxŭ inayarūngūma i perū pecadugu. Rū woo i pexene rü pecadugagu tá nayuama, natürü peāxē rü Cristugagu tá namaxŭ, erū Tupana pexŭ nadau na pimexŭ. ¹¹ Rū ngēxguma pewa namaŭxgu i Naãē ya yima Tupana ga Ngechuchu ya Cristuxŭ írūdaxēēcū, rü nūmatátama ya yima Cristuxŭ írūdaxēēcū tá wena nanamaxēē i pexene i yuxwèxexŭ, rü Naãē i Üünexŭ i pewa maxŭxŭ tá nixī i naxŭxŭ i ngēma. ¹² Rū ngēmacèx, Pa Chaueneēgūx, rü tanaxwèxe i Tupanaārū ngúchaŭ taxū, rü tama tanaxwèxe i taxūne i pecaduāxŭārū ngúchaŭ taxū. ¹³ Erū ngēxguma chi pexeneārū ngúchaŭ pexūxgu rü tá ipeyarūtauxe. Natürü ngēxguma Tupanaãē i Üünexŭārū ngūxēēmaã ipeyanaxoxēēgu i ngēma pexene ūxchaŭxŭ, rü aixcūma tá pexŭ nangēxma i maxŭ i taguma gūxŭ. ¹⁴ Erū guxāma ya yíxema Tupanaãē i Üünexŭ tūmamaã icuāxe, rü aixcūma Tupanaxācūgū tixīgū. ¹⁵ Yerū tama penayauxgū ga wūxi ga naāxē ga pecaduwa pexŭ gagūxŭ rü ngemagagu wenaxarū

Tupanaarū poxcucèx pemuñē. Natürü yema Naãxē ga peyauxgüxū rü Tupanaãxē i Üünexū i naxacügü pexū ixīgüxēēxū nixī. Rū ngēmatama Naãē i Üünexū nixī i tüxū rüngüxēēxū na tama imuñēxücèx na Tupanana ingaicamagüxū rü:

“Pa Chaunatüx”, ñagüxū nüxū. ¹⁶ Rū ngēmatama Naãē i Üünexū nixī i aixcüma tüxū nüxū cuèxēēxū na Tupanaxãcügü na ixīgüxū. ¹⁷ Rū ñuxma na Tupanaxãcügü ixīgüxū i yixema, rü nüxū tacuèx rü daxüguxū i naãnewa tá tanayaxu i ngēma mexügü i Tupana tüxna äxchañxū. Rū ngēmaãcü Cristumaã tá tüxū nangēxma i tachica i mexū i Tupanaxütawa, erü Cristurū ngúxū tingegü na yixcüra wüxigu namaã mexüwa ingēxmagüxücèx.

Ngēma mexū i yixcüra tá nüxū idauxüchiga

¹⁸ Rū dücax, choma nagu charüxñnū rü ngēma ngúxū i ñuxma ñoma i naãnewa ingegüxū, rü taxuñma nixī i ngēxguma nagu nanguxgu i ngēma mexū i yixcüra tá nüxū idauxū i ngēxguma Cristumaã ingēxmagügu i daxüguxū i naãnewa. ¹⁹ Rū ñuxma rü guxūma i tacü i Tupana üxū rü taxū i norü ngúchañmaã ínananguxēēgü i ngēma ngunexū i nagu tá nataeguxū ya Cristu na Tupana guxüpēxewa naxãcügüxū iwéxū. ²⁰ Rū nüxū tacuèxgü rü yexguma pecadu naxüxgu ga guma nüxírañcü ga yatü rü yexguma nixī ga nachixexū ga guxūma ga yema Tupana üxū. Rū tama yema Tupana üxūärü ngúchañ nixī ga yema, natürü yemaãcü nüxū naxüpetü yerü ga Tupana rü yemaãcü inaxuneta ga yexguma pecadu naxüxgu ga guma yatü. Natürü i ñuxma rü guxūma ga yema Tupana üxū rü ínananguxēē

na ngēma chixexŭwa ínanguxŭxŭcèx. ²¹ Erŭ ngēma ngunexŭ i Tupana tá nagu nadexŭ i naxâcŭgŭ na naxŭtawa nangēxmagŭxŭcèx, rŭ ngēxguma tá ta nixŭ i chixexŭwa ínanguxŭxŭcèx i guxŭma ga yema nümatama naxŭxŭ. Rŭ ngēmaâcŭ wenaxârŭ noxrirŭ tá name i guxŭma. ²² Rŭ nüxŭ tacuèx rŭ ñaa naane rŭ guxŭma i nawa ngexmaxŭ rŭ ñoma wŭxi i nge i ixraxacŭchaxŭcŭrŭxŭ poraâcŭ ngŭxŭ ninge ñŭxmatáta nawa nangu i ngema ngunexŭ i nagu Tupana wena nangexwacaxŭxŭcèx i guxŭma.. ²³ Rŭ tama ñaa naanexŭcatama nixŭ i ngŭxŭ ingexŭ i ñŭxma, natŭrŭ yixema i tŭxŭ ngexmaxŭ i Tupanaâxŭ i Üünexŭ rŭ ta ngŭxŭ tingegŭ ñŭxmatáta nawa nangu na Tanatŭ tŭxŭ dexŭ rŭ ngexwacaŭxŭ i taxŭnegŭ tŭxna âxŭ. Rŭ woo tŭxŭ nangexma i Naâxŭ i Üünexŭ ya Tupana tŭxna muxŭ na norŭ ŭgŭ yixŭxŭcèx i ngema mexŭgŭ i Tupana tá tŭxna naxâxŭ i dauŭgŭxŭ i naanewa, natŭrŭ tanaxwèxe na ngemaxŭchi ingugŭxŭ. ²⁴ Cristu tŭxna nanaxâ i maxŭ i taguma gŭxŭ, natŭrŭ ítananguxŭcèx na naxŭ-tawa ingugŭxŭ na nayauxgŭxŭcèx i ngēma maxŭ. Natŭrŭ nüxŭ tacuèx rŭ ngēxguma chi marŭ nüxŭ idaugŭgu i ngēma írŭnguxŭcèx, rŭ taxucèxma tŭxcŭŭ ítananguxŭcèx. Erŭ ngēma marŭ nüxŭ idauxŭ, rŭ taxucèxma ítananguxŭcèx. ²⁵ Natŭrŭ ngēxguma tauta nüxŭ idaugŭgu i ngēma írŭnguxŭcèx, rŭ tanaxwèxe i meâ ítananguxŭcèx ŭgŭcha ñŭxmatáta nüxŭ idaugŭ. Rŭ ngēmaâcŭ nixŭ i Cristuxŭ írŭnguxŭcèx. ²⁶ Rŭ Tupanaâe rŭ tŭxŭ narŭngŭxŭcèx ta na iporaexŭcèx i ngēxguma ituraegu i tórŭ ōwa. Rŭ yixema rŭ tama

nūxŭ tacuèx na ñuxăcŭ Tupanamaã idexagŭxŭ rŭ tacŭcèx iyumŭxègŭxŭ. Natŭrŭ Naãē i Ūŭnexŭ rŭ naxauxăcŭma ore i tama nŭxŭ icuáxŭmaã Tupanamaã nidexa rŭ taxcèx nayumŭxē. ²⁷ Rŭ Tupana ya meã tŭxŭ cuácŭ rŭ nŭxŭ nacuèx na ñuxŭ ñaxŭchiga yŭxŭ i ngēma Naãē i Ūŭnexŭ nŭxŭ ixuxŭ. Erŭ ngēma Naãē i Ūŭnexŭ rŭ Tupana naxwèxexŭăcŭma Tupanaxŭ nacèèxŭ tŭmacèx ya yŭxema Tupanaârŭ duŭxŭgŭ ixŭgŭxe.

Cristu rŭ tŭxŭ naporaexēãma na taxuŭma i guxchaxŭgŭ tŭxŭ narŭ-yexeraxŭcèx

²⁸ Rŭ nŭxŭ tacuèx rŭ tŭmaârŭ mexŭcèx nixŭ i Tupana íanguxēèxŭ i guxŭma i ngēma tŭxŭ ŭpetŭxŭ ya yŭxema nŭxŭ ngechaŭgŭxe ga nŭma nanaxwèxexŭăcŭma tŭxŭ nadexe. ²⁹ Rŭ woetama nuxcŭmama ga Tupana rŭ marŭ tŭxŭ nacuèx na texégŭ tá tixŭgŭxŭ ya yŭxema noxrŭ ixŭgŭxe. Rŭ noxritama naãne ixŭgŭgumama tŭxŭ nade na Nanerŭŭ timexŭ i napèxewa, rŭ yima Nane rŭ tŭmamaã nayaxŭcèx rŭ tŭmamaã inacuáxŭcèx ya guxăma ya yŭxema naēneègŭ ixŭgŭxe. ³⁰ Rŭ guxema noxri naãne ixŭgŭgumama Tupana tŭxŭ dexe, rŭ tŭmacèx naca na noxrŭ tixŭgŭxŭcèx. Rŭ guxema tŭmacèx naçaxe, rŭ nŭgŭcèx tŭxŭ nimexēègŭ. Rŭ guxema nŭgŭcèx tŭxŭ yamexēègŭxe, rŭ daxŭwa tá tŭxŭ nagagŭ na guxŭgutăma naxŭtawa tangèxmagŭxŭcèx. ³¹ ¿Rŭ ñuxŭ ñagŭxŭ tá i ñuxma i ngēmachiga? Rŭ ngèxguma Tupana taétŭwa chogŭgu, ¿rŭ texé tá tŭxŭ rŭyexeraxŭ? ³² Yerŭ nŭma ga Tupana rŭ tama tŭxna nayanuxŭ ga Nanexŭchi. Natŭrŭ taxcèx inanamu ga Nane na taxcèx nayuxŭcèx i guxăma i yŭxema. Rŭ

ñuxma na yemaãcü taxcèx inamuãxũ ga Nane, ĵrũ taux ěxna tũxna naxããxũ i guxũma i tacũ i inaxwèxexũ na naxcèx imaxẽxũcèx? ³³ Rũ Tupana tũxũ nade rũ tũxũ nixu na napẽxewa imexũ. Rũ ngẽmacèx ĵrũ texé tá napẽxewa tũxũ tixugũ na ichixexũ? Erũ Tupanatama nixĩ ya tũxũ ixucũ na tũxũ nataxuũma i chixexũ. ³⁴ ĵRũ texé tá poxcuwa tũxũ tamugũ i ñuxmax? ĵPexcèx rũ Cristu tá yĩxũ? Dũcèx, taxucũrũwama ngẽmaãcü nixĩ yerũ Cristu nixĩ ga taxcèx yucũ na tũxũ namaxẽxẽxũcèx. Rũ tama ngẽxĩcatama taxcèx naxũ, natũrũ wenaxãrũ ínarũda. Rũ ñuxma rũ Tupanaxũtawa nangẽxma rũ ngema ãẽxgacũ nixĩ. Rũ ngema taétũwa nachogũ rũ Tupanaxũ taxcèx nacèexũ. ³⁵ ĵRũ ñuxma rũ tacũ tá Cristuna tũxũ ixĩgachixẽxũ na tama tũxũ nangechaũxũcèx? Rũ woo ngũxũ ingegũgu, rũ ěxna guxchaxũgũ tũxũ ngẽxmagu, rũ ěxna duũxũgũ Cristugagu taxchi aiegu, rũ ěxna itaiyaegu, rũ ěxna ingexchirugũgu, rũ ěxna ãũcũmaxũwa ingẽxmagũgu, rũ ěxna duũxũgũ tũxũ daixchaũgu, natũrũ woo guxũma i ngẽma tũxũ ũpetũgu, natũrũ ya Cristu rũ tãũtãma nũxũ narũchau na tũxũ nangechaũxũ. ³⁶ Natũrũ guxũguma ãũcũmaxũwa tangẽxmagũ, ngẽma Tupanaãrũ ore i ũmatũxũ nũxũ ixuxũrũũ. Erũ ngẽma ore rũ ñanagũrũ:

“Rũ cugagu duũxũgũ toxũ nadaixchaũ rũ duũxũgũpẽxewa rũ ñoma carnerugũ i daiwa íxũrũũ tixĩgũ”,

ñanagũrũ i ngẽma ore. ³⁷ Natũrũ woo guxũma i ngẽma tũxũ na ngupetũxũ, rũ Ngechuchu ya Cristu ya tũxũ ngechaũcũ, rũ tũxũ naporaexẽẽãma na taxuũma i guxchaxũgũ tũxũ narũyexeraxũcèx, rũ

bai i ƭacü. ³⁸⁻³⁹ Rŭ ngẽmacèx aixcũma chayaxõ na taxucürũwama ƭacü Tupanana tüxũ ixĩgachixẽẽxũ na ngẽmaãcü tama tüxũ nangechaũxũcèx. Rŭ woo iyuxgu rŭ woo imaxêgu, natürü Tupana tá tüxũ nangechaũêcha. Rŭ taxucürũwama Tupanana tüxũ nixĩgachixẽẽ i ƭacü i norü orearü ngeruũgü, rŭ êxna ƭacü rŭ ngoxogü rŭ êxna ƭacü i to i poraxũ. Rŭ bai i ƭacü i ñuxma tüxũ üpetüxũ, rŭ bai i ƭacü i yixcũra tá ngẽxmaxũ, rŭ bai i ƭacü i daxũwa ngẽxmaxũ, rŭ bai i ƭacü i naãnetüũwa ngẽxmaxũ, rŭ bai i ƭacü i to i Tupana üxũ, rŭ taxucürũwama Tupanana tüxũ nixĩgachixẽẽ na tama tüxũ nangechaũxũcèx. Rŭ ngẽmaãcü nixĩ i tüxũ nangechaũxũ ya Tupana nagagu ya tórü Cori ya Ngechuchu ya Cristu.

9

Tupana rŭ nanade i Yudíugü na norü duũxũgü na yixĩgũxũcèx

¹ Dücèx, Pa Chaueneẽgũx, rŭ pemaã tá nüxũ chixu i wüxi i ore. Rŭ ngẽma ore i pemaã tá nüxũ chixuxũ rŭ aixcũma nixĩ erü Cristuarü duũxũ chixĩ. Rŭ tama chidora. Rŭ chauãewatama nüxũ chacuèx na aixcũma na yĩxũ i ngẽma ore erü Tupanaãe i Üünexũ nixĩ i chauãemaã icuáxũ. ² Rŭ poraãcü changechaũ, rŭ choxũ nangúecha i chauãewa, erü tama nayaxõgü i chautanüxũgü i Yudíugü. ³ Rŭ aixcũma pemaã nüxũ chixu rŭ guxũguma ngẽma chautanüxũgu charüxĩnü, rŭ poraãcü chanaxwèxe na Cristuaxũ yaxõgüãxũ. Rŭ choma rŭ aixcũma íchamemare na poxcuwa choxũ namuxũ ya Tupana rŭ Cristuna choxũ yaxũgachixẽẽxũ ega ngẽmaãcü

chi nūxŭ chayaxōgŭxēēgu rŭ chanamaxēxēēgu i ngēma chautanūxŭgŭ i Yudŭgŭ. ⁴ Rŭ nŭmagŭ rŭ chauxrŭŭ Yudŭgŭ nixŭgŭ. Rŭ Tupana rŭ nuxcŭmaxŭchima namaā inaxuneta na naxācŭgŭ yixŭgŭxŭcèx. Rŭ norŭ oxigŭ rŭ nūxŭ nadaugŭ na űuxācŭ namexēchixŭ ga Tupana ga yexguma naxcèx nangoxgux. Rŭ Tupana rŭ norŭ oxigŭmaā inaxuneta rŭ űanagŭrŭ nūxŭ:

“Rŭ ngēxguma chauga pexŭnŭēgu rŭ tá pexŭ charŭngŭxēē”,

űanagŭrŭ nūxŭ. Rŭ Tupana rŭ nūxna nanaxā ga yema mugŭ ga Moŭché ŭmatŭxŭ. Rŭ nanangŭexēē na űuxācŭ nūxŭ yacuèxŭŭgŭxŭcèx. Rŭ meāma namaā inaxuneta na Cristu rŭ naxcèx nŭma tá namuāxŭ na namaxēxēēaxŭcèx rŭ nūxna na naxāaxŭcèx i maxŭ i taguma gŭxŭ. ⁵ Rŭ yema nuxcŭmaŭgŭxŭ ga tŭrŭ oxigŭtaa nixŭgŭ i ngēma Yudŭgŭ, rŭ ngēmacèx naxcèx ta nixŭ ga yema uneta ga tŭrŭ oxigŭmaā nūxŭ yaxuxŭ ga Tupana. Rŭ ngēma Yudŭgŭtanŭxŭwatama nixŭ ga nabuxŭ ga Cristu ya Tupanaxŭchi ixŭcŭ ya guxŭtŭwa ngēxmacŭ. Rŭ tanaxwèxe i guxŭguma nūxŭ ticuèxŭŭgŭ. Rŭ ngēmaācŭ yŭ. ⁶ Rŭ űuxma rŭ woo tama guxŭ i Yudŭgŭ na yaxōgŭxŭ, natŭrŭ taxucŭrŭwama texé nūxŭ tixu na Tupana rŭ tama yanguxēēaxŭ i ngēma norŭ uneta. Erŭ ngēma Yudŭgŭ rŭ tama aixcŭma guxŭma Tupanaārŭ duŭxŭgŭ nixŭgŭ. ⁷ Rŭ tama guxŭma i duŭxŭgŭ i Abrāŭtaagŭ ixŭgŭxŭ, rŭ aixcŭma Abrāŭtanŭxŭ nixŭgŭ i Tupanapēxewa. Yerŭ ga Tupana rŭ Abrāŭmaā nūxŭ nixu, rŭ űanagŭrŭ:

“Rŭ cune ya Ichaátanŭxŭgŭ tá nixŭ i aixcŭma cutanŭxŭgŭ ixŭgŭxŭ i chopēxewa”,

ñanagürü. Rū yemaãcü namaã inaxuneta woo na nayexmaxũ ga togü ga Abráũxãcügü. ⁸ Rū ngẽmawa meãma nüxũ tacuèx rü tama ngẽma na Abráũtaa tixĩgüxüçèx nixĩ i Tupanaxãcügü tixĩgüxũ. Natürü yíxema aixcüma Tupanaãrü uneta nüxũ ixuxürüũãcüma yaxõgüxe waxi tixĩ ya aixcüma Abráũtaa ixĩgüxe i Tupanapëxewa. ⁹ Yerü naxũpa ga na nabuxũ ga Abráũ nane, rü yema Tupanaãrü uneta ga Abráũmaã nüxũ yaxuxũ, rü ñanagürü:

“Rü naĩ ya taunecüarü ñúxgumaãcü tá wena nuã chaxũ, rü cuxmèx i Chara rü tá ixããcü i ngẽxguma”,

ñanagürü. ¹⁰ Natürü tama Abráũmaãxĩcatama nixĩ ga yemaãcü yadexaxũ ga Tupana. Yerü tórü õxi ga Ichaá namèx ga Rebecamaã rü ta nidexa ga Tupana. Rū ngĩma rü ngĩteaxũ ixããcü rü nataxreëxpüx ga ngĩne. ¹¹⁻¹³ Natürü yexguma tauta nabuegu rü taxuũma ga mexũ rü ëxna chixexũ naxüegu ga yema ngĩnegü, rü Rebecamaã nidexa ga Tupana, rü ñanagürü:

“Rü ngẽma nüxĩra buxũ i cune, rü ngẽma wixweama buxũãrü duũxũ tá nixĩ”,

ñanagürü ngĩxũ. Rū yema dexa rü namaã nawüxigu i Tupanaãrü ore i ümatüxũ i ñaxũ:

“Marü chanayaxu ya Acobu, natürü nüxũ chaxo ya Echaú”,

ñaxũ. Rū yemaãcü ga Tupana rü ngĩmaã nanangõxë na namëxwa nangëxmaxũ na tüxũ nayaxuxũ ya yíxema woetama nüxũ ngúchaũxë na tümacèx naçaxũ tama nagu naxĩnüãcüma i tacü rü mexũ rü ëxna tacü rü chixexũ na taxüxũ.

¹⁴ ¿Rü ñuxũ ñagüxũ i ñuxmax? ¿Pexcèx rü Tupana

rü chixexŭ naxŭxŭ ga yexguma tama Acobuxŭ nangechaŭxŭrŭü nüxŭ na nangechaŭgu ga Echaú? Rü dücax, tama chixexŭ naxü. ¹⁵ Yerü norü orewa rü Tupana rü Moïchéxŭ ñanagŭrŭ:

“Rü ngëxguma chi texémaã chamecümachaŭgu, rü tümamaã tá chamecüma. Rü choxŭ tá tangechaŭtümŭü ya yixema choxŭ ngechaŭtümŭüchaŭxë”,

ñanagŭrŭ. ¹⁶ Rü ngëmaãcü tama ngëma tümataama tanaxwèxexŭgagu rü ëxna ngëma taxŭxŭgagu nixŭ i Tupana tüxŭ yaxuxŭ ya texé. Natürü tüxŭ nayaxu erü nüxŭ tangechaŭtümŭü. ¹⁷ Rü yexgumarŭü ta ga Tupana rü norü ore i ümatŭxŭwa rü ñanagŭrŭ nüxŭ ga Equituaneärü ãëxgacü:

“Rü ãëxgacŭxŭ cuxŭ chingucuchixëë na cuwa duŭxŭgŭxŭ nüxŭ chadauxëëxŭcèx i ñuxãcü na chaporaxŭ. Rü ngëmaãcü chanaxü na guxŭ i duŭxŭgü i guxŭ i naãnewa ngëxmagŭxŭ, nüxŭ na cuáxŭcèx i chauchiga”,

ñanagŭrŭ. ¹⁸ Rü ngëmaãcü ya Tupana rü nüxŭ tangechaŭtümŭü ya yixema nüxŭ ngechaŭtümŭüchaŭxë. Rü ngëxguma tüxŭ nataiãchiarü maxŭãxëëchaŭgu rü tüxŭ nanataiãchiarü maxŭãxëë ya yixema tama nüxŭ cuáxchaŭxë. ¹⁹ Natürü bexmana tá ñacurŭgü choxŭ:

“Rü ngëxguma chi ngëmaãcü yixŭgu ya Tupana, ¿rŭ tüxcŭü nüxŭ nixu na tagagu yŭxŭ na chixexŭ ixŭgŭxŭ rü tama naga ixŭnŭëxŭ? ¿Rü texé tabora na itayanaxoxëëxŭcèx i Tupanaärü ngúchaŭ?” ñacurŭgü tá. ²⁰ Natürü Pa Duŭxŭx, ¿texé quixŭ i cuma rü ngëmacèx ngëmaãcü

Tupanaxŭ cuyaxŭgaxŭ? ¿Cuxcèx rŭ ěxna wŭxi i tŭxŭ i waixŭmŭwa ŭxŭ rŭ namexŭ i ngĕma norŭ ũruŭmaã na ñaxŭ?

“¿Rŭ tŭxcŭŭ ngĕmaãcŭ choxŭ cuxŭ na ngĕmaãcŭ chixŭŭcèx i ñuxmax?” ñaxŭ. ²¹ Rŭ ngĕma tŭxŭãrŭ ũruŭ rŭ waixŭmŭwa nanaxŭ i tacŭ i nŭma naxŭxchaŭxŭ. Rŭ ngĕxguma nanaxwèxegu, rŭ ngĕma waixŭmŭwa nanaxŭ i wŭxi i tŭxŭ na norŭ meruŭ yŭŭxŭcèx. Rŭ ngĕxguma nanaxwèxegu, rŭ ngĕmatama waixŭmŭwa nanaxŭ i wŭxi i tŭxŭ na norŭ guxchirechixŭ yŭŭxŭcèx. ²² Rŭ ngĕxgumarŭŭtama nixŭ i naxŭãxŭ ya Tupana. Erŭ tŭxŭ nanawéxchaŭ na ñuxãcŭ naporaxŭ i nŭma rŭ ñuxãcŭ napoxcueãxŭ i ngĕma duŭxŭgŭ i chixexŭ ŭgŭxŭ, natŭrŭ poraãcŭ yaxna namaã naxŭnŭ i ngĕma duŭxŭgŭ, rŭ tama paxa nanapoxcue i ngĕma ímemaregŭxŭ na napoxcuexŭ. ²³ Natŭrŭ ga Tupana rŭ inanawéxchaŭ na ñuxãcŭ poraãcŭ tamaã namecŭmaxŭ i yixema na yaxŭgŭxŭ. Rŭ ngĕmacèx nixŭ i nŭxŭ ingechaŭtŭmŭŭgŭxŭ, rŭ nuxcŭmamatama tŭxŭ nadexŭ na naxŭtawa ingĕxmagŭxŭcèx i daxŭguxŭ i naãnewa i ngextá ínamexĕchixŭwa. ²⁴ Rŭ ngĕmaãcŭ i yixema na Yudíugŭ ixŭgŭxŭ, rŭ tatanŭwa Tupana tŭxŭ nidexechi ya ñuxre na norŭ duŭxŭgŭ tixŭgŭxŭcèx. Rŭ ngĕxgumarŭŭ ta i ngĕma tama Yudíugŭ ixŭgŭxŭtanŭwa rŭ nayadexechi i togŭ. ²⁵ Rŭ ngĕmacèx rŭ Tupanaãrŭ ore ga Ochéa ŭmatŭxŭwa rŭ ñanagŭrŭ:

“Rŭ ngĕma duŭxŭgŭ i tama chorŭ duŭxŭgŭchirĕx ixŭgŭxŭ, rŭ: ‘Pema rŭ chorŭ duŭxŭgŭ pixŭgŭ i ñuxmax’, ñacharŭgŭ tá nŭxŭ. Rŭ ngĕma duŭxŭgŭ i tama Yudíugŭrŭŭ nŭxŭ

changechaŭchiréxŭ, rü: ‘Pexŭ changechaŭ i ñuxmax’, ñacharügü tá nüxŭ. ²⁶ Rü noxri ga Tupana rü yema duŭxŭgü ga tama Yudŭgü ixŭgŭxŭmaã nüxŭ nixu, rü ñanagürü nüxŭ: ‘Pema rü tama chorü duŭxŭgü pixŭgü’, ñanagürü nüxŭ. Natürü yematama nachica ga ngextá nüxŭ íyemañaxŭwa, rü wenaxärü yema duŭxŭgü ga tama Yudŭgü ixŭgŭxŭmaã nidexa ga Tupana ya Maxëxëeruŭ, rü ñanagürü nüxŭ: ‘Pema rü chauxacügü tá pixŭgü’, ñanagürü nüxŭ”.

Rü yema nixŭ ga Tupanaärü ore ga Ochéa ümatüxŭ. ²⁷⁻²⁸ Rü Yudŭgüchiga rü ta nidexa i Tupanaärü ore, yerü nuxcümaŭcü ga norü orearü uruŭ ga Ichaxía rü ñanagürü:

“Rü woo namuxŭchichirëx i Yudŭgü yima naxnücü ya taxtüpechinüwa yimacürüŭ, natürü noxre tátama nixŭ i aixcüma nayauxgŭxŭ i maxŭ i taguma gúxŭ. Rü paxa tá ínangu ya tórü Cori na napoxcueãxŭcëx i guxŭma i ngëma tama noxrü ixŭgŭxŭ”, ñanagürü ga Ichaxía. ²⁹ Rü nümatama ga Ichaxía, rü ñanagürü ga ũpa:

“Rü ngëxguma chi nüma ya tórü Cori ya guxŭ i naãneärü yora rü tãŭ chima íyaxŭgŭxŭëëãgu i ñuxre i tatanüxŭgü i Yudŭgü, rü chi itayarüxoxochi, yexgumarüŭ ga na iyanaxogŭxŭ ga guma ñãnegü ga Chodoma rü Gomora namaã ga guxŭma ga yema duŭxŭgü ga yéma yexmagŭxŭ”, ñanagürü ga Ichaxía.

Yudŭgü rü tama nayaxõgüchaŭ i ore i mexŭ i

Cristuchiga

³⁰ ¿Rü ñuxũ ñagũxũ i ñuxmax? Rü pemaã nüxũ chixu rü ngẽma duũxũgũ i tama Yudíugũ íxĩgũxũ ga tama Tupanacèx daugũxũ ga noxrix, rü ngẽmatama duũxũgũ nixĩ i ñuxma Tupanapẽxewa imexũ yerü nayaxõgũ. ³¹ Natürü yema Yudíugũ ga nagu íxchaũxũ ga yema Moĩchearü mugü na Tupanapẽxewa yamexũcèx, rü ínatüe. ³² ¿Rü ñuxãcü ínatüe? Dücèx, ínatüe yerü yema mugüguama naxĩ na Tupanapẽxewa yamexũcèx, rü tama Ngechuchuaxũ nayaxõgũchaũ. Rü yemaãcü ga Ngechuchu rü yema duũxũgũcèx rü wüxi ga guxchaxũ nixĩ. ³³ Rü ngẽmachiga nixĩ i Tupanaãrũ ore i ümatũxũ i ñaxũ:

“Choma rü Yudíugũtanüwa chanamu ya Cristu. Rü nüma rü ngẽma Yudíugũcèx rü wüxi i guxchaxũ tá nixĩ erü ngẽxguma tama nüxũ yaxõgũãgu rü tá inayarütauxe. Natürü ngẽma duũxũgũ i nüxũ yaxõgũxũ, rü aixcüma tá namaxẽ”, ñanagürü.

10

¹ Pa Chaueneẽgũx, rü ngẽma poraãcü chanaxwèxexũ rü chorü yumüxẽwa Tupanana naxcèx chaçaxũ, rü ngẽma nixĩ na guxũma i chautanũxũgũ i Yudíugũ na yaxõgũxũ rü ngẽmaãcü aixcüma Tupanaãrũ na yixĩgũxũcèx. ² Rü aixcüma pemaã nüxũ chixu, rü nümagü i Yudíugũ rü aixcüma poraãcü Tupanagu narüxĩnüẽ rü nanaxũgũchaũ i Tupanaãrũ ngũchaũ. Natürü ínatüe erü tama Cristuaxũ nayaxõgũchaũ na ngẽmaãcü Tupanapẽxewa

yamexŭcèx. ³ Rŭ woo Tupana ñoma ga nañnewa nanamu ga Cristu na gumagagu Tupanapëxewa yamexŭcèx i duŭxŭgŭ, natŭrŭ nŭmagŭ i Yudŭgŭ rŭ tama nŭxŭ nacuèxgŭchaŭ i ngēma. Rŭ nŭgŭtama nimexēègŭchaŭ, rŭ ngēmacèx nagu naxĩāma i ngēma mugŭ ga Moĩché ũmatŭxŭ rŭ tama Cristuaxŭ nayaxŭgŭchaŭ na nagagu Tupanapëxewa yamexŭcèx. ⁴ Natŭrŭ nŭma ga Cristu rŭ nayanguxēè ga yema mugŭ rŭ yemaācŭ inayanaxoxēè na tama tamaā inacuáxŭcèx i ngēma mugŭ. Rŭ yemaācŭ nanaxŭ ga Cristu na guxŭma i duŭxŭgŭ i nŭxŭ yaxŭgŭxŭ rŭ aixcŭma Tupanapëxewa yamexŭcèx. ⁵ Rŭ Moĩché nanaxŭmatŭ nachiga na ñuxācŭ Tupanapëxewa tamexŭ ya wŭxie ega naga taxĩnŭgu i ngēma mugŭ, rŭ ñanagŭrŭ:

“Tupana pexŭ namu na guxŭgutāma meā peyanguxēèxŭ i guxŭma i ngēma mugŭ erŭ ngēxguma naga pexĩnŭègu i guxŭma i ngēma mugŭ rŭ tá pemaxē. Natŭrŭ ngēxguma tama naga pexĩnŭègu i wŭxitama i ngēma mugŭ, rŭ tãŭtāma pemaxē”,

ñanagŭrŭ. ⁶ Natŭrŭ ñuxma rŭ Tupanapëxewa time ega Cristuaxŭ yaxŭgŭgu. Rŭ ngēmacèx taxucèxma i cuāèwa rŭ ñacurŭgŭ:

“¿Texé tá daxŭguxŭ i nañnewa taxŭ na Cristucèx tayaçaxŭ na nuā naxŭxŭcèx rŭ tŭxŭ yanangŭxēèxŭcèx na imexŭcèx i Tupanapëxewa?” ñacurŭgŭ. ⁷ Rŭ taxucèxma cuāèwa ñacurŭgŭ:

“¿Rŭ texé tá yuexŭtanŭwa taxŭ na ngēxma Cristucèx tayadauxŭcèx na nuā tanagaxŭcèx?” ñacurŭgŭ. ⁸ Erŭ tama ngēmaācŭ nixĩ i Cristucèx

idauxũ, yerũ yema ore ga Moĩché ũmatũxũ rũ ñanagũrũ:

“Rũ marũ cuxũtawa nangẽxma i Tupanaãrũ ore. Rũ cuẽxwa nangẽxma na nũxũ quixuxũcèx. Rũ cuãẽwa nangẽxma na nagu curũxĩnũxũcèx”,

ñanagũrũ. Rũ ñũxma Pa Chaueneẽgũx, rũ pemaã nũxũ chixu rũ ngẽmatama ore nixĩ i guxũwama duũxũgũmaã nũxũ tixuxũ. Rũ ngẽma ore nixĩ i pexũ nũxũ cuẽxẽẽxũ na ñũxãcũ pexũ nangẽxmaxũ i maxũ ega aixcũma peyaxõgũgu. ⁹ Erũ ngẽxguma cuẽxmaã nũxũ quixuxgu na curũ Cori yĩxũ ya Ngechuchu, rũ ngẽxguma cuãẽwa cuyaxõxgu na yuwa Tupana ínadxẽẽxũ, rũ tá cuxũ nangẽxma i maxũ i taguma gũxũ. ¹⁰ Erũ taãẽwa tayaxõgũ na ngẽmaãcũ Tupanapẽxewa imexũ. Rũ taẽxmaã nũxũ tixu na Ngechuchu rũ tórũ Cori yĩxũ, rũ ngẽmaãcũ tanayaxu i maxũ i taguma gũxũ. ¹¹ Rũ Tupanaãrũ ore i ũmatũxũwa rũ ñanagũrũ:

“Rũ guxãma ya yixema ya Ngechuchuaxũ yaxõxẽ, rũ nũma ya Ngechuchu rũ taxútãma tũxũ narũmaãchiixẽẽ erũ tá nayanguxẽẽ i guxũma i ngema tũmamaã inaxunetaxũ”,

ñanagũrũ. ¹² Rũ Tupanapẽxewa rũ guxũma i duũxũgũ rũ nawũxigu. Rũ woo Yudĩugũ yixĩgu rũ ẽxna woo tama Yudĩugũ yixĩgu, natũrũ Tupanapẽxewa rũ nawũxigu i guxũma i duũxũgũ. Erũ nũma ya tórũ Cori, rũ guxããrũ Cori nixĩ. Rũ nũma rũ aixcũma tũxũ namaxẽxẽẽ ya guxãma ya texé ya nũxna çaxe na tũxũ namaxẽxẽẽxũcèx.

¹³ Erũ Tupanaãrũ ore i ũmatũxũwa rũ ñanagũrũ:

“Rũ guxãma ya texé ya tórũ Corina çaxe na tũxna naxããxũcèx i maxũ, rũ tá tanayaxu i

tümaârü maxŭ i taguma gúxŭ”,
 ñanagürü. ¹⁴ ¿Natürü ñuxácü tá tórü Corina naxcèx
 tacagü, ega tama nüxŭ tayaxōgügu? ¿Rü ñuxácü
 tá nüxŭ tayaxōgü, ega taguma nüxŭ taxĩnüëgu i
 nachiga? ¿Rü ñuxácü tá nüxŭ taxĩnüë i norü ore,
 ega taguma texé tümamaã nüxŭ ixuxgu? ¹⁵ ¿Rü
 ñuxácü tá texé nüxŭ tixu i Cristuchiga ega taxúema
 tüxŭ nüxŭ yarüxuxëëgu? Rü ngëmacèx nixĩ i Tu-
 panaârü ore i ümatüxŭ i ñaxŭ:

“Rü wüxi i taã nixĩ na Ínangugüxŭ i Tupanaârü
 orearü uruŭgü na duŭxügümaã nüxŭ
 yaxugüxŭcèx i Tanatüarü ore i mexŭ i
 Cristuchiga”,

ñaxŭ. ¹⁶ Natürü tama guxŭma i duŭxügü naga
 naxĩnüë i ngëma ore i mexŭ. Rü Ichaxía nüxŭ
 ixuxürüŭ nixĩ. Yerü ga nüma rü ñanagürü:

“Pa Corix, noxretama nixĩ i ngëma duŭxügü i toxŭ
 yaxōgüxŭ i ngëma ore i nüxŭ tixuxŭ”,

ñanagürü. ¹⁷ Rü dücax, rü ngëma na Cristuchi-
 gaxŭ naxĩnüëxŭwa nixĩ i ne naxŭxŭ na yaxōgüãxŭ
 i duŭxügü. Rü ngëma nüxŭ naxĩnüëxŭ, rü ore
 i mexŭ i Cristuchiga nixĩ. ¹⁸ Natürü i ñuxma
 rü pexna chaca, ¿éxna pexcèx rü ngëma Yudíugü
 rü taguma nüxŭ naxĩnüë i ngëma ore i mexŭ
 i Cristuchiga? Dücèx, ngëmaãcü marü nüxŭ
 naxĩnüë. Erü Tupanaârü ore i ümatüxŭwa rü
 ñanagürü:

“Rü ngëma Tupanaârü orearü uruŭgü,
 rü guxŭwama i ñoma i naãnewa rü
 nüxŭ nixugüe i norü ore. Rü ngextá
 Ínangëxmagüxŭwa i Yudíugü, rü ngëma
 rü ta nüxŭ nixugügü”,

ñanagürü i ngēma ore. ¹⁹ Natürü wena pexna chaca, ĵrū ngēma Yudíugü rü tama ēxna nüxŭ nicuèxāchitanŭ na Cristugagu yīxŭ na Tupana nadexŭ i duŭxŭgŭ i ñuxmax? Rŭ ngēmáācŭ nüxŭ nacuèxgŭ. Yerü Tupanaārü ore ga Moïché ūmatŭxŭwa rŭ ñanagürü:

“Dücèx, Pa Yudíugŭx, choma rŭ tá chanamaxēxēē i ngēma duŭxŭgŭ i tama Yudíugŭ ixīgŭxŭ, rŭ ngēmācèx i pema rŭ tá pixāŭxāchigŭ. Rŭ ngēxguma chanamaxēxēēgu i ngēma togŭ i duŭxŭgŭ i tama choxŭ cuèxgŭchiréxŭ, rŭ pema i Yudíugŭ rŭ tá penuē erŭ nüxŭ charŭngŭxēē i ngēma togŭ”,

ñanagürü. ²⁰ Rŭ yemawena ga Ichaxía, rŭ tama namuŭ ga yema Yúdígŭmāñ nüxŭ na yaxuxŭ ga yema Tupanaārü ore ga ñaxŭ:

“Rŭ ngēma duŭxŭgŭ i tama Yudíugŭ ixīgŭxŭ i tama chauxcèx daugŭxŭ, rŭ choxŭ tá inayan-gaugŭ. Rŭ choma rŭ tá chaugŭ changoxēē naxcèx i ngēma duŭxŭgŭ i tama chauxcèx ícagŭchiréxŭ”,

ñaxŭ. ²¹ Rŭ Tupana rŭ Ichaxíawa Yúdígŭchiga nidexa rŭ ñanagürü:

“Rŭ guxŭ i ngunexŭgu rŭ nüxna chaxuecha i ngēma duŭxŭgŭ i tama chauga ñnūēchaŭxŭ rŭ chomañ nuèxŭ. Natürü tama choxŭ ñnarŭxñnūēchaŭ”,

ñanagürü.

11

Nangēxma i ñuxre i Yudíugŭ i Tupana dexŭ na aixcŭma noxrŭ yixīgŭxŭcèx

¹ Ñuxma pexna chaca rü, ¿pexcèx ěxna ya Tupana rü marü nüxü naxo i norü duüxügü i Yudíugü? Tama nixĩ i nüxü naxoxü. Erü choma i Pauru rü Yudíu chixĩ. Rü Abráŭtanüxü chixĩ, rü Abráŭtaa ya Beyamítanüxü chixĩ. ² Rü nuxcümamatama Tupana Yudíugümaã inaxuneta na norü duüxügü yixígüxüçèx, rü ñuxma rü tama Yudíugüxü naxo. ¿Tama ěxna nüxü pecuèx na ñuxü ñaxü ga Tupanaärü orearü uruü ga Ería? Rü Tupanaärü orewa nüxü tadaugü rü Ería rü Tupanapëxewa poraãcü yema Yudíugüxü nixugü. ³ Rü ñanagürü ga Ería:

“Pa Corix, ngẽma Yudíugü rü marü nanadai i curü orearü uruü. Rü nagu napogüe i ngẽma nachicagü i ngextá duüxügü cuxü íicuèxüügüxüwa. Rü chaxicatama íchayaxüãchi. Rü choxü rü ta nimèxgüchaü”, ñanagürü ga Ería. ⁴ Natürü Tupana nanangãxü, rü ñanagürü:

“Dücèx, choma rü marü choxü nangẽxma i 7000 i yatügü i chaugüxü chidexechixü. Rü nümagü rü taguma nüxü nicuèxüügü i ngẽma tupanetachicünèxã i Baá”, ñanagürü. ⁵ Rü ngẽxgumarüü ta nixĩ i ñuxmax. Rü woo muxüma i Yudíugü tama nayaxögü, natürü nangẽxma i ñuxre i Tupana namaã mecümaxügagu dexü. ⁶ Rü ñuxma na Tupana tüxü ngechaüxügagu tüxü nadexü, rü taxucürüwama texé nüxü tixu na tacü rü mexü na ixügüxügagu na yixixü. Erü ngẽxguma chi tacü rü mexü ixügüxügagu yixgu na tüxü nadexü, rü natücèxmamare chi nixĩ na nüxü ingechaütümüxügüxü. ⁷ ¿Rü ñuxãcü yĩxü i ñuxmax? Rü ngẽma rümumaëxü i Yudíugü rü

tama nüxŭ inayangaugü i ngēma maxŭ i naxcèx nadaugüxŭ. Natürü ngēma noxretama i Yudíugü i Tupana dexŭ, rü ngemagü nixĩ i nüxŭ iyan-gaugüxŭ. Rü guxŭma ga yema togü ga Yudíugü rü Tupana ínanawogü yerü tama naga naxĩnüe. ⁸ Rü ngēmachiga nixĩ i Tupanaärü ore i ümatüxŭ i ñaxŭ: “Tupanatama ngēma duüxügüaxŭ nanagux-chaxēē. Rü ngēmacèx woo nüxŭ nadaugügu i ngēma ore i aixcüma ixĩxŭ, rü tama nüxŭ nacuèxgüéga. Rü woo nüxŭ naxĩnüēgu i ngēma ore, rü tama nayaxōgü. Rü ñuxma rü ta ngēmaäcü nixĩ”,

ñanagürü. ⁹ Rü Dabí rü ta rü ñanagürü:

“Rü ngēma duüxügü rü norü petacèx naxügüxŭ i õnagügagu rü norü muxŭma i ngēmaxügügagu rü chixexügu tá nayi rü ngēmacèx tá napoxcue. ¹⁰ Rü naāēwa rü tāütáma nüxŭ nacuèxgü, rü guxchaxügü tá nüxŭ nangēxma. Rü ñoma wüxi i duüxŭ i tacü i yaxŭ ípaxixŭrüü tá nixĩgü namaã i norü guxchaxügü”,

ñanagürü.

Tupana nanamaxēxēē i ngēma tama Yudíugü ixĩgüxŭ

¹¹ Rü pexna chaca, rü ñuxma na Cristuxŭ naxoexŭ i ngēma Yudíugü, çrü pexcèx ēxna rü ngēmacèx ya Tupana rü tá nüxŭ naxoxochixŭ? Tama nüxŭ naxo. Natürü ñuxma na tama Cristu-axŭ yaxōgüāxŭ i ngēma Yudíugü, rü ngēmacèx ya Tupana rü nüxŭ narüngüxēē rü nanamaxēxēē i ngēma tama Yudíugü ixĩgüxŭ. Rü ngēmaäcü nanaxü ya Tupana na yaxāüxāchiexŭcèx i ngēma

Yudíugü, rü Cristuaxŭ na yaxõgüãxücèx. ¹² Rü yema na ínatüexŭ ga yema Yudíugü, rü yemagagu muxŭma ga togü ga duŭxŭgü nanayauxgü ga Tupanaãrŭ ngŭxëê i taxŭ. Rü yema na noxretama ga Yudíugü nayaxõgüxŭ, rü yemagagu Tupana nanamaxëxëê ga yema tama Yudíugü ixíngüxŭ. Natürŭ ngëxguma tá Tupanacèx nawoeguxgu i guxŭma i Yudíugü, rü Tupana rü tá yexeraãcü nüxŭ narüngŭxëê i guxŭma i ngëma duŭxŭgü i tama Yudíugü ixíngüxŭ. ¹³⁻¹⁴ Rü ñuxma Pa Duŭxŭgü i Tama Yudíugü Ixíngüxŭx, rü choxŭ nangëxma i wüxi i ore i pemaã nüxŭ chixuxchaŭxŭ. Rü dücax, petanüwa nixí i choxŭ namuxŭ ya Tupana na pemaã nüxŭ chixuxücèx i norü ore. Rü ñuxma rü aixcüma meã chayanguxëê i ngëma puracü, erü chanaxwëxe na pexŭ nadaugüxŭ i ngëma chautanüxŭ i Yudíugü na ñuxãcü Tupana pexŭ na rüngŭxëêxŭ. Rü ngëmaãcü tá nixãũxãchie i ñuxre i nümagü, rü tá Cristuaxŭ nayaxõgü, rü ngëmaãcü tá nanayauxgü i maxŭ i taguma gúxŭ. ¹⁵ Nüxŭ tacuèx rü ngëma Yudíugü rü tama Cristuaxŭ nayaxõgüchaŭ i ñuxmax. Rü ngëmacèx ya Tupana rü nanade i ngëma togü i duŭxŭgü i tama Yudíugü ixíngüxŭ. Natürŭ ñuxma na ngëmaãcü yíixŭ, ¿rü ñuxãcü tá nixí i ngëxguma Cristuaxŭ yaxõgüãgu i ngëma Yudíugü, rü wena Tupana nadexgu? Rü wüxi i mexëchixŭ tá nixí naxcèx i ngëma Yudíugü. Erü ñoma wüxi i duŭxŭ i yuxŭ rü wenaxãrŭ maxŭxŭrŭŭ tá nixíngü. ¹⁶ Rü Tupana rü wena tá nanade i ngëma Yudíugü i ngëxguma yaxõgüãgu. Rü ngë-maãcü tá nixí, yerü nuxcümaücü ga nanatü ga Abráŭ rü Tupanaãrŭ duŭxŭ nixí. Rü ngëmacèx i nataagü i Yudíugü rü Tupanaãrŭ duŭxŭgü ta

nixīgū. Rū ñoma wūxi i pāũ i Tupanana ixāxūrūũ tá nixī. Erū ngēxguma ngēma pāũwa íraxũ Tupanaārū yixīgu, rū ngēmawa nūxũ tacuèx na guxūma i ngēma pāũ rū noxrū na yīixũ. Rū ngēma wūxi i nanetū i Tupanana ixāxūrūũ tá nixī. Rū ngēxguma ngēma nanetūchumèxã rū Tupanaārū yixīgu, rū ngēmawa nūxũ tacuèx na guxūma i ngēma nanetū rū noxrū na yīixũ. Rū ngēmaãcü tá nixī i ngēma Yudíugūmaã nangupetūxũ, erū wūxi i ngunexūgu rū guxūma i nūmagū rū Tupanacèx tá nawoegu. ¹⁷ Tupana nūxũ naxo ga yema Yudíugū ga tama yaxōgūchaũxũ. Rū ñoma wūxi i orixchacüü i idaexūrūũ nixī ga yema Yudíugūxũ naxoxũ. Natürü nachicüü Tupana pexũ nade woo tama Yudíugū na pixīgūxũ. Rū wūxi i naixnecüçũãx i orixchacüü rū orix i toxūwa yarūñaxcuchixūrūũ pixīgū. Rū ñuxma i pema rū ta pexũ nangēxma i pechica i natanūwa i ngēma duũxūgū i Tupanaārū ixīgūxũ. Rū Tupana rū pexũ narūngūxēē rū pexũ rū ta namaxēxēē. ¹⁸ Natürü pema i tama Yudíugū na pixīgūxũ, rū tama name i pegü picuèxüũ rū nūxũ pixu na ngēma Yudíugūarū yexera pixīgūxũ. Rū ngēxguma chi ngēmaãcü pegü picuèxüũgūchaũgu, rū name nixī i nūxna pecuèxãchie na tama petanūwa ne naxūxũ ga Cristu ya pexũ maxēxēēcü, natürü Yudíugūtanūwa nixī ga ne naxūxũ. Rū ngēma Yudíugūgagu nixī i Tupana pexũ dexũ rū pexũ namaxēxēēxũ i ñuxmax. ¹⁹ Natürü bexmana tá ñaperügügü:

“Tupana rū marū nūxũ naxo ga yema Yudíugū rū yemacèx nachicüü tūxũ nade”, ñaperügügü tá. ²⁰ Ngēmaãcü aixcūma nixī ga Tupana nūxũ oxũ ga yema Yudíugū yerü tama nayaxōgū. Rū

ngēma na peyaxōgūxūcēxicatama nixī i nachicūū
 Tupana pexū dexū i ñuxmax. Rū ngēmacēx tama
 name i pegū picuēxūūgū. ¡Natürū pexuāēgū
 na tama yema Yudíugūxū ūpetūxūrūū pexū
 ūpetūxūcēx! ²¹ Yerū yema Yudíugū ga noxri
 Tupanaārū ixīgūxū, rū Tupana nūxū naxo yerū
 tama nayaxōgū. Rū yexguma yemaācū Tupana
 nūxū oxgu ga yema duūxūgū rū pexū rū tá ta naxo
 ega tāūtāma peyaxōgūechagu. ²² Dūcēx, na ñuxācū
 namecūmaxū ya Tupana. Natürū tūxū napoxcu ta
 ega tama aixcūma yaxōgūgu. Rū nanapoxcue ga
 yema duūxūgū ga chixexūgu yixū, natürū pemaā
 rū namecūma. Natürū penaxwēxe i guxūguma
 nūma nanaxwēxexūācūma pemaxē rū peyaxōgū
 na guxūguma pemaā namecūmaēchaxūcēx.
 Erū ngēxguma tama nūma nanaxwēxexūācūma
 pemaxēgu rū tama peyaxōgūechagu, rū tāūtāma
 pemaā namecūma. Rū pexū rū tá ta naxo, rū tá
 pexū ínawogū. ²³ Natürū ngēxguma yaxōgūāgu
 i ngēma Yudíugū i ñuxma maxēxū, rū woo
 Tupana na nūxū oxū ga noxrix, natürū wena
 táxarū nanade erū nūxū nangēxma i pora na
 wenaxārū nadeāxūcēx ega aixcūma yaxōgūāgu.
²⁴ Rū pema na tama Yudíugū na pixīgūxū, rū
 tama Tupanaārū duūxūgū pixīgū ga noxrix.
 Natürū Tupana pexū nade na noxrū pixīgūxūcēx.
 Rū ñuxma na yemaācū Tupana pexū dexū, rū
 ngēxguma yaxōgūāgu i ngēma Yudíugū, rū Tupana
 rū pexū nadexūārū yexera tá nūxū natauxcha na
 nadeāxū i ngēma Yudíugū, yerū woetama norū
 duūxūgūchirēx nixīgū ga noxrix.

Wūxi i ngunexū rū guxūma i Yudíugū tá

nanayauxgü i maxü i taguma gúxü

²⁵ Pa Chaueneëgü i Yaxõgüxü, nangëxma i wüxi i ore ga noxri tama duüxügüxü nüxü nacuëxëxü ga Tupana. Natürü chanaxwëxe i nüxü pecuëx i ngëma ore na tama nagu perüxĩnüëxüçèx na duüxügü i nüxü cuëxüchixü pixĩgüxü, rü pexicatama Tupana pexü dexü. Rü dücax, noxretama nixĩ i ngëma Yudíugü i aixcüma yaxõgüxü. Rü ngëmaäcü tá nixĩ ñuxmatáta yaxõgüã i guxüma i ngëma togü i duüxügü i Tupana dexü. ²⁶ Natürü ngëmawena rü guxütáma i Yudíugü rü tá ta nayaxõgü, rü tá nanayauxgü i maxü i taguma gúxü. Erü Tupanaärü ore i ümatüxüwa rü ñanagürü:

“Yima Cristu ya ínanguxüxëëcü, rü Yudíugütanüwatama ne naxü. Rü nüma rü tá Yudíugüxü chixexüwa ínanguxüxëë. ²⁷ Rü aixcüma norü pecaduwa tá íchananguxüxëë i ngëma Yudíugü. Rü ngëxguma tá nixĩ na aixcüma chayanguxëëxü i ngëma chorü uneta ga üpaxüchima Abráümaã nüxü chixuxü”,

ñanagürü ga Tupana. ²⁸ Natürü i ñuxma ya Tupana rü Yudíugüxü nadau na norü uwanügü yĩxü erü tama nayaxõgü i ngëma ore i mexü. Natürü ngëmaäcü naxüpetü na pexü natauxchaxüçèx na peyaxõgüxü i pema i tama Yudíugü na pixĩgüxü. Natürü nüma ya Tupana rü ñuxma rü ta ngëma Yudíugüxü nangechaü yerü nuxcümaügüxü ga norü oxigümaã inaxuneta na nüxü tá nangüxëëxü. ²⁹ Rü ngëxguma Tupana rü tacü i mexümaã inaxunetagu, rü aixcüma nayanguxëë i ngëma, rü taguma nüxü inayarüngüma. Rü ngëxgumarüü

ta i ngēxguma texécèx nacaxgu, rü taguma nüxŭ inayarüngüma i ngēma. ³⁰ Rü pema na tama Yudíugü pixíguxŭ, rü ũpa rü tama Tupanaga pexĩnüē. Natürü ñuxma na tama naga naxĩnüēxŭ i Yudíugü, rü ngēmacèx Tupanaãxŭ pengechaŭtümüügü erü peyaxōgü i pemax. ³¹ Rü ngēma pexŭ ngupetüxŭrüü nixĩ i ngēma Yudíugüxŭ nangupetüxŭ. Nümagü rü tama Tupanaga naxĩnüē i ñuxmax, natürü ngēmaãcü nüxŭ nangupetü na Tupanaãxŭ pengechaŭtümüügüxŭcèx, rü nümagü rü ta Tupanaãxŭ nangechaŭtümüügüxŭcèx i ñuxmax. ³² Yerü nüma ga Tupana rü guxŭma ga duŭxügümaã nanaxuegu na chixexüwa nangēxmagüxŭ nagagu ga norü pecadugü. Natürü yemaãcü namaã nanaxuegu ga Tupana na nüxŭ nangechaŭtümüügüxŭcèx i guxŭma i duŭxügü. ³³ Rü namexēchi ya tórü Tupana, rü poraãcüxüchima tüxŭ narüngüxēē. Rü nüma rü nüxŭ nacuèxüchi erü guxŭxŭma nacuèx. Rü yixema rü taxucürüwama nüxŭ tacuèx i tüxcüŭ yĩxŭ i tüxŭ nadexŭ, rü taxucürüwama nüxŭ tacuèx i guxŭma i ngēma naxüxŭ i nümax. ³⁴ ¿Erü texé i tatanüwa nüxŭ tacuèx i guxŭma i ngēma tórü Cori nagu rüxĩnüxŭ? ¿Rü texé nüxŭ tacuèx na tórü Corixŭ taxucüxēxŭ? ³⁵ ¿Rü texé tüxira tacü rü ãmare tórü Corina taxã, na yixcama nüxŭ tacümaã tüxŭ nataeguxēēãxŭcèx? ³⁶ Erü guxŭma i tacü ingēxmaxŭ rü Tupanaxŭtawa ne naxĩ. Rü nüma nixĩ ga naxüãxŭ ga guxŭma na noxrü yĩxŭcèx. Rü name nixĩ i guxŭguma nüxŭ ticuèxüügü rü tanataxēē. Rü ngēmaãcü yĩ.

12

Pexŭ chacèèxŭ na pegütama Tupanana pexãgŭxŭ na wŭxi i ãmare i maxŭxŭ na pixĩgŭxŭcèx

¹ Rŭ dŭcax, Pa Chaueneègŭx, ñuxãcŭ Tupana poraãcŭxŭchima tamaã namecŭma. Rŭ ngẽmacèx pexŭ chacèèxŭ na pegütama Tupanana pexãgŭxŭ na wŭxi i ãmare i maxŭxŭ na pixĩgŭxŭcèx. Rŭ ngẽma ãmare nixĩ i aixcŭma napẽxewa ũnèxŭ rŭ namaã nataãèxŭ. Rŭ ngẽmaãcŭ nixĩ ya Tupana i nanaxwèxexŭ na nŭxŭ picuèxŭgŭxŭ. ² Rŭ tama name i ñoma i naãnecŭãx i duŭxŭgŭcŭmagu pexĩ. Natŭrŭ name nixĩ i Tupanana pegŭ pexãgŭ na nŭma pexŭ naxŭchicŭxŭcèx rŭ ngèxwacaxŭxŭ i peãè pexŭ ngèxmaxŭcèx rŭ ngẽmaãcŭ naxcèxicatama pemaxèxŭcèx. Rŭ ngẽmaãcŭ tá nŭxŭ pecuèx i tacŭ nixĩ i Tupana pexŭ naxwèxexŭ na penaxŭxŭ, rŭ tacŭ nixĩ i aixcŭma mexŭ i napẽxewa, rŭ tacŭ nixĩ i namaã nataãèxŭ. ³ Rŭ Tupana ya chomaã mecŭmacŭ, rŭ choxŭ namu na pemaã nŭxŭ chixuxŭcèx i guxãma i pema na tama namexŭ na texé i petanŭwa tŭgŭ írŭtaxŭ rŭ tŭgŭgu tarŭxĩnŭxŭ na togŭarŭ yexera tiixŭ. Natŭrŭ name nixĩ na wŭxichigŭ meã tŭgŭ ngugŭarŭ maxŭãxŭ rŭ tŭgŭgu rŭxĩnŭxŭ na ñuxãcŭ Tupana tŭxna naxãxŭ i tŭmaãrŭ cuèx wŭxigu namaã i tŭmaãrŭ õ. ⁴ Rŭ dŭcax, rŭ taxŭnewa nangèxma i taeru rŭ tachacŭgŭ rŭ taparagŭ rŭ muxŭma i to i taxŭneãrŭ ngẽmaxŭgŭ. Rŭ wŭxichigŭ i ngẽma taxŭneãrŭ ngẽmaxŭgŭ rŭ nŭxŭ nangèxma i noxrŭtama puracŭ. ⁵ Rŭ ngèxgumarŭ ta i yixema na yaxõgŭxŭ, rŭ woo na imuxŭ natŭrŭ wŭxitama i duŭxŭgŭ tixĩgŭ, erŭ Cristuarŭ duŭxŭgŭ tixĩgŭ. Rŭ

ngēmacèx i guxāma i yixema rü yigümücügü tixīgü, erü woetama wüxitama i duūxügü tixīgü. ⁶ Rü wüxichigü i yixema, rü Tupana tūxna nanaxā i tórü cuèx i nūma nanaxwèxexū na tūxū nangēxmaxū. Rü tanaxwèxe i meāma nagu taxī i ngēma cuèx i Tupana tūxna āxū. Rü ngēxguma tūxna naxāāgu i tórü cuèx na norü orearü uruū ixīgūxūcèx, rü name nixī i ngēma ō i tūxū ngēxmaxūmaā tanaxū i ngēma puracū. ⁷ Rü ngēxguma tūxna naxāāgu i tórü cuèx na togūxū rüngūxēēgūxūcèx, rü name nixī i meāma tanaxū i ngēma. Rü ngēxguma texéna naxāāgu i tūmaārū cuèx na togūxū tangūxēēxūcèx, rü name nixī i meāma tanaxū i ngēma. ⁸ Rü yixema nūxū cuáxe na Tupanaārū oremaā togūxū tataāēxēēxū, rü name nixī i meāma tanaxū i ngēma. Rü yixema nūxū cuáxe na togūmaā tangauxū i tūmaārū ngēmaxū, rü name nixī i tūmaārū ngúchaūmaā tanaxū i ngēma. Rü yixema āēxgacū ixīxē rü name nixī i meāma tayanguxēē i ngēma puracū. Rü yixema nūxū cuáxe na togū tūxū ngechaūtümüügūxū, rü name nixī i taēēacūma tanaxū i ngēma.

Ñuxācū nanaxwèxe na namaxēxū i duūxügü i Cristuaxū yaxōgūxū

⁹ Rü name nixī i aixcūma meāma pegü pengechaūgü i wüxichigü. ¡Rü nūxū pexo i guxūma i tacū i chixexū ixīxū! ¡Rü nagu pexī i ngēma aixcūma mexū ixīxū! ¹⁰ Rü name nixī i wüxichigü pegü pengechaūgü, ñoma pegüeneēxūchixū pengechaūxūrū. Rü name nixī i naxcèx pedaugü na ñuxācū peeneēgūxū petaxēēxū rü ñuxācū pegü perüngūxēēxū. ¹¹ Rü tama name i cuxo

ega tacü rü puracü cuxü namuxgu ya tórü Cori. Natürü name nixĩ i curü ngúchaŭmaã cunaxü i norü puracü. ¹² Rü name nixĩ i petaãëgü erü ípenanguxëë na Tupanaxütawa pengugüxü. Rü ngëxguma tacü rü ngúxü pexü ngupetügu, rü name nixĩ i yaxna namaã pexĩnüë. ;Rü tama name i nüxü perüchaue na peyumüxëgüxü! ¹³ Rü ngëxguma nüxü pedëuxgu na tacü nüxü taxuxü i ngëma togü i yaxögüxü, rü name nixĩ i nüxü perüngüxëë. ;Rü meã penayaxu i ngëma duüxügü i pexütagu naxĩãnexü! ¹⁴ Rü ngëxguma chi texé chixri pemaã üpetügu, rü name nixĩ i tümacëx peyumüxëgü na meã tüxü naxüpetüxüçëx. Rü ngëmaãcü name nixĩ i Tupanana tümacëx peca na tüxü nangüxëëxüçëx rü tama tüxü napoxcuxüçëx. ¹⁵ ;Rü wüxigu tümamaã petaãëgü ya yíxema taãëgüxe! ;Rü wüxigu tümamaã pexauxe ya yíxema ngechaüğüxe rü auxexe! ¹⁶ ;Rü meã pegü pengechaüğü i wüxichigü! ;Rü tama pegü picuëxüügü! ;Rü namaã pegü pewüxiguxëë i ngema tama nügü icuëxüügüxü! ;Rü tama pegügu perüxĩnüë na togüarü yexera nüxü cuëxüchigüxü na pixigüxü! ¹⁷ Rü ngëxguma texé chixexü pemaã üxgux, ;rü tãütáma chixexümaã pexütanü! Natürü name nixĩ i naxcëx pedau na mexü pexüxü i guxü i duüxügüpëxewa. ¹⁸ ;Rü naxcëx pedau na guxüma i duüxügümaã meã pemaxëxü rü namaã na iperüngüxmüxüçëx i guxüguma! ¹⁹ Pa Chaueneëgü ya Pexü Changechaüğüxe, tama name i pegütama pexütanü ega texé tacü rü chixexü pemaã üxgu. Natürü name nixĩ i Tupanamëxëgu penaxü i ngëma na nüma napoxcuãxüçëx. Erü Tupanaärü

ore i ümatüxüwa rü ñanagürü:

“Rü choxmëxwa nangëxma na duüxügüxü chapoxcuxü i norü chixexüçèx. Rü choma tá nüxü chanaxütanü i ngëma duüxü i chixexü üxü”,

ñanagürü ya tórü Cori. ²⁰ Rü ngëxguma tacü rü chixexü cumaã naxüxgu i togü, rü tama name i chixexümaã cunataeguxëë. Natürü name nixĩ i nagu quixü i Tupanaârü ore i ñaxü,

“Rü ngëxguma curü uwanü taiyèxgu, jrü nachibüxëë! Rü ngëxguma yañawaxgu, jrü naxaxexëë! Erü ngëxguma ngëmaãcü cunaxüxgu, rü poraãcü tá cunaxãnexëë”,

ñaxü. ²¹ Rü ngëxguma togü chixexü cumaã üxgux, rü name nixĩ i cuxuãë na tama chixexügu cun-guxüçèx. Rü name nixĩ na mexü cuxüxü namaã i ngëma duüxü. Rü ngëmaãcü tá icuyanaxoxëë i ngëma chixexü i cumaã naxüxchaüxü.

13

¹ Rü name nixĩ i guxüma i duüxügü rü meã nórü ãëxgacüga naxĩnüë. Erü Tupana nixĩ ya nüxü unetacü i guxüma i ãëxgacügü. Erü natax-uma i ãëxgacü i tama Tupana ingucuchixëëxü.

² Rü ngëmacèx, texé ya tama tümaârü ãëxgacüga ñnüchaüxë, rü Tupanaga nixĩ i tama taxĩnüxü. Rü yixema tama naga ñnüëchaüxë, rü tá tapox-cue.

³ Erü ngëma ãëxgacügü rü tama ngëma mexü ügüxüârü poxcuruü nixĩ, natürü ngëma chixexü ügüxüârü poxcuruü nixĩ. Rü ngëxguma cunaxwèxegu na tama nüxü cumuüxü i wüxi i ãëxgacü, rü name nixĩ i meã cumaxü. Rü nüma i ãëxgacü rü tá cumaã nataãë. ⁴ Erü

nūma i āēxgacū rū Tupanaārū ngūxēēruū nixī rū ngēmacèx nanamu na cuxū nangūxēēxūcèx. Natürū ngēxguma chixri cumaūxgu, rū ngēxguma tá waxi nixī i nūxū cumuūxū. Erū nūma i āēxgacū rū tama natūcèxma nixī na nūxū nangēxmaxū i pora na cuxū napoxcuxū. Erū woetama Tupana nanamu na napoxcuāxūcèx i ngēma duūxū i chixri maxūxū. ⁵ Rū ngēmacèx name nixī i naga cuxīnū i curū āēxgacūgū. Rū tama ngēma poxcuxū na cumuūxūcèxicatama nixī i namexū na naga cuxīnūxū, natürū name nixī i naga cuxīnū erū marū nūxū cucuèx na namexū i ngēma. ⁶ Rū ngēmacèx name nixī i meā nūxū penaxūtanū i ngēma dīēru i perū āēxgacūgūcèx ixīxū i ngēma nūmagū naga naxunetaxūēxpūx na nūxū penaxūtanūxūcèx. Erū ngēma āēxgacūgū rū Tupanaāxū nixī i napuracūexū i ngēxguma naxūāgu i ngēma puracū na pemaā inacuāxū. ⁷ Rū wūxichigū i ngēma āēxgacūgū, rū name nixī i nūxna penaxā i ngēma nūxna ūxū. ¡Rū nūxū penaxūtanū i ngēma dīēru i perū āēxgacūgū naga unetaxūēxpūx na nūxū penaxūtanūxū! ¡Rū penaxūx i ngēma ãāneārū puracū i perū āēxgacūgū pexū muxū na penaxūxūcèx! ¡Rū nūxū pengechaūgū rū naga pexīnūē i ngēma perū āēxgacūgū! Erū ngēmaācū nixī i namexū na penaxūxū. ⁸ Rū tama name i texéaxū tacū pengetanū. Natürū nangēxma i wūxitama i ngetanū i taguma tūxū ingutanūxū. Rū ngēma nixī na yigū ingechaūgūxū. Rū ngēmacèx ya yīxema aixcūma tūmamūcūxū ngechaūxē rū marū tayanguxēē i guxūma i ngēma Tupana tūxū muxū. ⁹ Rū ñanagūrū i Tupanaārū mugū:
 “¡Rū tāūtáma naī i ngemaā icupe! ¡Rū tāūtáma

cumáeta! ;Rü täütáma cungĩx! ;Rü täütáma
toġuãxãrũ ngẽmaxũ cuxũ nangúchaũ!”

ñanagürũ. Natürũ ngẽma mugũ rü guxũma i togũ i
Tupanaãrũ mugũmaã rü wüxigu nanu nagu i norũ
ore i ñaxũ:

“;Rü nüxũ nangechaũ i cumücü na cugütama
cungechaũxürũ!”

ñaxũ. ¹⁰ Rü yíxema tümamücüxũ ngechaũxẽ, rü
taxuũma i chixexũ namaã taxũ. Rü ngẽmacèx
i ngẽxguma tamücüxũ ingechaũgu, rü aixcüma
tayanguxẽẽ i Tupanaãrũ mugũ. ¹¹ Rü name nixĩ
i tanaxũ i guxũma i ngẽma, erũ ñomaũcüü rü
nangẽxma i muxũma i guxchaxũgũ. Rü name
nixĩ i pegũ ípemexẽẽ rü paxa penaxũ i tórũ Co-
riarũ puracü. Erũ ñuxma rü noxri yaxõgũguarũ
yexera ningaicamachigũ i ngẽma ngunexũ i nagu
tá taxcèx nataeguxũ ya tórũ Cori. ¹² Rü woo na
naporaxũ i Chataná i ñoma i naãnewa i ñuxmax,
natürũ paxa tá nagux i ngẽma, rü paxa tá ínangu
ya Cristu na nügüxütawa tüxũ nagagüxücèx. Rü
ngẽmacèx name nixĩ i nüxũ tarüxoe i guxũma i
chixexũ ixügüxũ. Rü ñuxma na nüxũ icuáxũ i
Tupanaãrũ ore, ;rü ngĩxã yigüna tadaugũ na tama
nagu iyixücèx i tacü rü chixexũgũ! ;Rü ngĩxã
meã tamaxẽ na ngẽmaãcü nüxũ rüyexeragüxücèx
i guxũma i chixexũ! ¹³ ;Rü ngĩxã mexũ taxügũ
rü meã tamaxẽ! Erũ aixcüma Cristuarũ duũxügũ
tixĩgũ, rü tanaxwèxe i nüma nanaxwèxexũãcüma
tamaxẽ. Rü tama name na ingãxẽxũ rü na
naxügüxũ i petagũ i chixexũ i duũxügũ nawa
ãũgatanüxũ. Rü tama name i tingẽãẽmare rü ãxna
to i chixexũ taxügũ, rü bai na yigũ ichoxũgagüxũ,
rü bai i togüchi ixaixũ naxcèx i norũ ngẽmaxũgũ.

14 Natürü name nixĩ i nacümagu pexĩ ya tórü Cori ya Ngechuchu ya Cristu, rü nüxna naxcèx peca na pexũ nangũxẽxũcèx na meã naxcèx pemaxèxũcèx. Rü tama name i naxcèx pedaugü na ñuxãcü pexeneãrũ ngúchaũ na pexügũxũ.

14

Tama name i nüxũ quixu i cueneẽ i yaxõxũ

¹ Rü ngẽxguma petanügu naxãxchaũgu i wüxi i peeneẽ i tama perũũ meã Tupanaãrũ orexũ cuáxũ, rü name nixĩ i meã penayaxu. Natürü tama name i namaã pegü pechoxũga naxcèx i nacümagü i nagu yaxũxũ i Tupanapẽxewa. ² Rü dücax, nangẽxma i ñuxre i taeneẽgü i nagu rüxĩnüẽxũ na namexũ na guxũraũxũ i õna nangõxgũxũ. Natürü nangẽxma i togü i taeneẽgü i tama aixcüma meã Tupanaãrũ orexũ cuèxgũxũ i tama namachi ngõxgũchaũxũ. Rü nümagü nüxũ nacuèxgügu rü Tupanapẽxewa nachuxu na tacü rü namachi nangõxgũxũ, rü ngẽmacèx nixĩ i nabü rü orixgüxicatama nangõxgũxũ. ³ Rü ngẽxguma tangẽxmagu ya texé ya namachi ngõxẽ, rü tama name i nüxũ taxoox i ngẽma togü i duũxũgü i tama namachi ngõxgũxũ. Rü ngẽxgumarũ ta ya yixema tama namachi ngõxẽ, rü tama name na nüxũ tixuxũ i ngẽma duũxũgü i namachi ngõxgũxũ, erü nümagü rü ta Tupanaãrũ duũxũgü nixĩgü. ⁴ ¿Rü texé quixĩ i cuma rü ngẽmacèx nüxũ quixu i to i coriarü duũxũgü? Rü dücax, pemaã nüxũ chixu rü ngẽma norü cori tá nixĩ i nangugũxũ rü ngoxi mexũ naxũx i ngẽma norü duũxũ, rü õxna tama. Rü ngẽma duũxũ rü Tupanapẽxewa rü tá name,

erü nüma ya tórü Cori ya Cristu rü nüxŭ nangēxma i pora na nügücèx namexēãxŭ i ngēma duŭxŭ. ⁵ Rü dücax, nangēxma i ñuxre i duŭxŭgü i nagu rüxĩnüëxŭ na ngŭxchigaarü ngunexŭ rü togü i ngunexŭârü yexera namexŭ na nagu Tupanaxŭ yacuèxüŭgŭxŭ. Rü nangēxma i togü i duŭxŭgü i nagu rüxĩnüëxŭ na guxŭma i ngunexŭgü rü nawüxiguxŭ i Tupanapēxewa. Natürü wüxichigü i yixema rü tanaxwèxe i meã taãëwa nüxŭ tacuèx na aixcŭma Tupanapēxewa namexŭ i ngēma taxüxŭ rü tixõxŭ. ⁶ Rü yixema duŭxë ya tacü rü ngunexŭ Tupanacèx íxüxüchixe, rü ngēmaãcü tanaxü na ngēma ngunexŭgu tórü Corixŭ ticuèxüŭxŭcèx. Rü yixema namachi ngõxë, rü ngēmaãcü tanangõx na tórü Corixŭ ticuèxüŭxŭcèx, rü Tupanana moxë taxã naxcèx i ngēma tangõxŭ. Rü yixema tama namachi ngõxë, rü ngēmaãcü tanaxü na tórü Corixŭ ticuèxüŭxŭcèx, rü tüma rü ta Tupanana moxë taxã naxcèx i ngēma nabü i tangõxŭ. ⁷ Rü ñuxma na ñoma i naãnewa imaxëxŭ, rü taxúema tügücèxtama tamaxŭ rü ëxna tügücèxtama tayu. ⁸ Erü ñuxma na imaxëxŭ, rü tórü Coriarü ngúchaŭ na ixügüxŭcèx nixĩ i imaxëxŭ. Rü ngëxguma iyuegu, rü ngēma rü ta tórü Corimëxëwa nangēxma. Rü ngēmaãcü nüxŭ tadau rü woo imaxëgu rü ëxna woo iyuegu, rü tórü Coriarü duŭxŭgü tixigü, rü namëxwa tangëxmagü. ⁹ Rü yemacèx nixĩ ga nayuxŭ ga Cristu rü wenaxãrü namaxŭxŭ na tümaãrü Cori yĩxŭcèx ga guxãma ga guxema yaxõgüxe ga marü yuexe rü guxãma ya yixema yaxõgüxe ya ñuxma rü ta maxëxë. ¹⁰ Rü ngëmacèx Pa Chaueneëx, ¿rü tŭxcüŭ i nüxŭ quixuxŭ i cueneë i yaxõxŭ? Rü cumax, Pa To i Chaueneëx, ¿rü

tūxcüü i nüxü cuxoxü i cueneë? Erü guxātáma i yixema rü Tupanapëxewa tá tangugü na nüma tūxü nangugüxcèx rü ngoxi ime rü éxna tama. ¹¹ Erü Tupanaärü ore i ümatüxüwa rü ñanagürü ya tórü Cori:

“Ngëma aixcüma na chamaxüxürüü tá ta nixī i aixcüma guxütáma i duüxügü chopëxegu caxãpüxügüxü, rü guxütáma choxü icuèxüügüxü”,

ñanagürü. ¹² Rü ngëmaãcü nüxü tacuèx na wüxichigü i yixema rü aixcüma tá Tupanapëxewa na ingugüxü na namaã nüxü ixuxüxcèx na ñuxãcü imaxëxü rü tacü na ixüxü.

Tama name i chixexügu cunanguxëë i cueneë i yaxõxü

¹³ Rü ngëmacèx nixī, Pa Chaueneëgüx, i tama namexü na tamücügüxü ixuechaü. Natürü narümemaë nixī i nüxü perüxoe i guxüma i tacü i peeneëgüxü pecadugu yixëëxü rü éxna norü õxü chixexëëxü. ¹⁴ Choma nüxü chacuèx rü nataxuma i õna i Tupanapëxewa chixexü. Rü aixcümaxüchi nüxü chacuèx i ngëma erü tórü Cori ya Ngechuchu ya Cristuarü duüxü chixī, rü nüma choxü nüxü nacuèxëë i ngëma. Natürü ngëxguma chi texé nagu rüxĩnügu na tama Tupanapëxewa namexü i tacü rü õna na tangõxü, rü name nixī i noxtacüma tama na tanangõxü ega nagu tarüxĩnügu na tama namexü i ngëma. ¹⁵ Rü ngëxguma ngëma cungõxüxcèx tümaãëwa cunanguxëëgu ya cueneë, rü cumaã nüxü chixu rü tama aixcüma tūxü cungechaü. Rü tama name i ngëma cungõxügagu chixexügu tūxü cunguxëë rü tūxü icuyarütauxëë ya yixema cueneë ya Cristu tümacèx yuxe. ¹⁶ Rü

ngēmacèx, woo cuxcèx namexgu i ngēma cuxüxü, natürü tama name na cunaxüamaxü ega ngēmacèx togü tá cuxü ixuxgu na pecadu yiixü i ngēma cuxüxü. ¹⁷ Rü ngēma Tupanapëxewa na imexücèx rü tama tacü rü õna na ingõxü rü ëxna tacü rü axexü na ixaxüxügagu nixĩ. Natürü napëxewa na imexücèx rü tanaxwèxe i Naãe i Ünexüãrü ngüxëemaã meã tayanguxëe i ngēma Tupana naxwèxexü rü yigümaã itarüngüxmüe rü aixcüma tataãëgü napëxewa ya Tupana. ¹⁸ Rü yixema ngēmaãcü Cristucèx maxüxë, rü Tupana rü tümamaã nataãe, rü guxüma i duüxügü rü ta tümamaã nataãëgü. ¹⁹ Rü ngēmacèx, jngixã naxcèx tadaugü i guxüma i nacüma i mexü i yigümaã tüxü rüngüxmüëxëxü! jRü ngixã yigü tarüngüxëe na yexeraãcü iyaexücèx i tórü õwa rü Tupanaãrü orewa! ²⁰ Rü tama name i tacü rü õna na cungõxügagu icuyanax-oxëe i Tupanaãrü puracü i cueneëärü maxüwa. Rü aixcüma nixĩ i guxüma i õnagü i namexü i Tupanapëxewa. Natürü wüxi i chixexü nixĩ ega ngēma õna i ingõxügagu chixexügu nayixëëgu i taeneëgü. ²¹ Rü ngēmacèx tama name i cunangõx i namachi, rü ëxna cuyaxaxü ya binu, rü ëxna cunaxü i tacü i to, ega ngēmagagu chixexügu cunanguxëëgu i cueneë i yaxõxü. ²² Rü ngëxguma cuma nagu curüxĩnügu na namexü na cunangõxü i ngëxürüüxümare i õna, rü Tupanapëxewa rü name nixĩ i cuxicatama nüxü cucuèx i ngēma. Rü tataãe ya yixema tümãëwa nüxü cuáxe na Tupanapëxewa namexü i ngēma taxüxü. ²³ Natürü ngëxguma wüxie nagu rüxĩnügu na tama namexü i Tupanapëxewa na

ṭacü rü òna na tangõxũ, rü pemaã nüxũ chixu rü chixexũ taxü ega tanangõxomagu, erü tũmaãewa nagu tarüxĩnü na tama aixcüma namexũ i ngẽma taxüxũ. Rü guxũma i ngẽma tũmaãewa nagu tarüxĩnüxũ na nachixexũ rü aixcüma pecadu taxü ega tanaxüamagu.

15

Name nixĩ i cumücüxũ cutaãxẽxẽẽ

¹ Rü yixema na iporaexũ i tórü òwa, rü name nixĩ i nüxũ tarüngüxẽẽ i ngẽma tamücügü i turaexũ i norü òwa. Rü tama name i yigüguxicatama tarüxĩnüẽ rü tóxrücëxicatama tadaügü. ² Natürü wüxichigü i yixema rü name nixĩ i taeneãxũ tanangúchaũxẽẽ na ngẽmaãcü nüxũ rüngüxẽẽxüçèx na yexeraãcü yaxõõxüçèx. ³ Yerü woo ga Cristu rü tama noxrütama ngúchaũ naxü. Natürü nayanguxẽẽ ga yema Tupanaãrü ore ga ñaxũ:

“Pa Chaunatüx, rü ngẽma duũxügü i cumaã guxchigagüxũ, rü chomaã nixĩ i naguxchigagüxũ”,

ñaxũ. ⁴ Rü guxũma ga yema nuxcüma ümatüxũ ga Tupanaãrü orewa, rü naxümatü na tüxũ nangüxẽẽxüçèx na taguma nüxũ rüxoexũ ega woo ṭacü rü guxchaxũ tüxũ üpetügu. Rü yema Tupanaãrü ore rü naxümatü na tüxũ nataãxẽẽxüçèx rü tüxũ nüxũ nacuèxẽẽxüçèx na aixcüma Tupanaãrü ixĩgüxũ. ⁵ Rü Tupana nixĩ ya tüxũ rüngüxẽẽcü na yaxna namaã ixĩnüèxüçèx i guxũma i guxchaxügü. Rü nüma nixĩ i tüxũ nataãxẽẽxũ. Rü chanaxwae i nüma ya Tupana pexũ narüngüxẽẽ na aixcüma ngẽma Cristu pexũ

naxwaexũācūma pemaxēxũ. ⁶ Rū chanaxwèxe na ngēmaācū pemaxēxũ na guxāma i pema rū wūxigu nūxũ picuèxũūgūxūcèx ya Tupana ya Nanatū ya tórū Cori ya Ngechuchu ya Cristu.

Duūxūgū i tama Yudíugū ixīgūxũmaā nūxũ nixu i ore i mexū

⁷ Rū ngēmacèx, yema Cristu pexũ na dexūrũ rū name nixĩ i wūxichigū meā pegū peyaxu na ngēmaācū Tupanaxũ yacuèxũūgūxūcèx i duūxūgū. ⁸ Rū pemaā nūxũ chixu rū Cristu nūma naxũ na Yudíugūxũ yanangūxēēxūcèx, na yemaācū yanguxēēāxūcèx ga yema uneta ga nuxcūmaūgūxũ ga tórū oxigūmaā nūxũ yaxuxũ ga Tupana. Rū yemaācū ga Cristu rū tūxũ nūxũ nadauxēē na aixcūmacū na yĩxũ ya Tupana rū aixcūma yanguxēēāxũ i ngēma norū uneta. ⁹ Rū yexgumarũ ta ga Cristu rū nūma naxũ naxcèx i ngēma duūxūgū i tama Yudíugū ixīgūxũ na nūmagū rū ta Tupanaxũ yacuèxũūgūxūcèx naxcèx na poraācū Tupanaāxũ nangechaūtümūgūxũ. Rū yemachiga nixĩ ga yema Tupanaārū ore ga Dabí ūmatūxũ ga ñaxũ:

“Rū ngēmacèx guxũ i nachiuānecūāx i duūxūgūpēxewa tá cuxũ chicuèxũ. Rū tá chorū wiyawa cuxũ chataxēē”,

ñaxũ. ¹⁰ Rū toxnamana i Tupanaārū ore i ūmatūxūwa rū ñanagürü:

“Pa Duūxūgū i Tama Yudíugū Ixīgūxũ, rū name nixĩ i pema rū wūxigu chorū duūxūgū i Yudíugūmaā petaāgū”,

ñanagürü. ¹¹ Rū toxnamana, rū ñanagürü ta:

“Pa Duïxügü i Tama Yudíugü Ixīgüxüx, rü name nixĩ i nüxü picuèxüügü ya tórü Cori. Rü Pa Guxüma i NachiüñecüĀx i Duïxügüx, rü name nixĩ i penataxëē”,

ñanagürü. ¹² Rü Ichaxía rü ta nanaxümatü rü ñanagürü:

“Rü Dabí nanatü ya Ichaíwa tá ne naxü i wüxi i nataa i tá Cristu ixĩxü. Rü nüma tá nixĩ i norü ãëxgacü yiixü i guxüma i ngëma duïxügü i tama Yudíugü ixīgüxü. Rü ngëma duïxügü rü tá aixcüma nüxü nayaxögü rü tá ínananguxëëgü na yimagagu Tupana nüxü rüngüxëëgüxü”,

ñanagürü. ¹³ Rü ñuxma i pema na nüxü peyaxögüxü rü chanaxwëxe i poraãcü pexü nataãëxëë ya yima Tupana ya pexü rüngüxëëcü na meã Cristuxü ípenanguxëëgüxüçèx. Rü ngëmaãcü i Tupanaãë i Ünexü rü tá pexü naporaexëë na yexeraãcü Cristuxü ípenanguxëëgüxüçèx.

¹⁴ Pa Chaueneëgüx, meãma nüxü chacuèx na guxü i duïxügümaã pemecümaxü, rü aixcüma Tupanaxü na pecuáxü, rü aixcüma meãma pegü pixucuxëgüxü. ¹⁵ Natürü ñaã poperawa rü meãma pexcèx chanaxümatü i ñuxre i Tupanaãrü ucuxëgü, erü tama chanaxwëxe i nüxü ipeyarüngümaë. Rü tama chamuü na pexcèx chanaxümatüxü i ngëmachiga yerü Tupana nixĩ ga choxü mucü na pemaã nüxü chixuxüçèx. ¹⁶ Rü nüma nixĩ ga choxü namuxü na Ngechuchu ya Cristuarü puracü chaxüxüçèx i natanüwa i ngëma duïxügü i tama Yudíugü ixīgüxü. Rü ngëma puracü ga nawa choxü namuxü nixĩ na ngëma duïxügümaã nüxü chixuxü i ore i mexü na Tupanaxütawa

chanagagüxcèx, na wüxi i ãmare i Tupana namaã taãëxü i ngẽma duüxügü i Naãe i Üünexü imexëëgüxü. ¹⁷ Rü ñuxma na Ngechuchu ya Cristuarü duüxü na chiixü, rü ngẽmacèx chataãe namaã i ngẽma puracü i Tupanaãxü chaxüxü. ¹⁸⁻¹⁹ Rü ñuxma rü yema Cristu chorü maxüwa üxüchigaxüĩcatama nixĩ i chixuxü. Rü nüma nixĩ ga choxü nangüxëëxü na Tupanaxütawa chanagagüxcèx ga yema duüxügü i tama Yudíugü ixígüxü, na nümagü rü ta Tupanaga naxĩnüëxüçèx. Rü yemaäcü chorü oremaã, rü chorü puracümaã, rü cuèxruüügü ga taxü ga Tupana üxümaã, rü Naãe i Üünexüãrü poramaã Tupanaxütawa chanagagü ga yema duüxügü. Rü yemaäcü Yerucharéüwa rü guxüwama ñuxmata Ilíricuarü naãnewa meãma chayanguxëe na nüxü chixuxü ga yema ore i tüxü maxëxëëxü i Cristuchiga. ²⁰ Rü yemaäcü chapuracü na nüxü chixuxüçèx ga Tupanaãrü ore i mexü ga ngextá taguma ñuxgu Cristuchigaxü ínaxĩnüëxüwa ga duüxügü. Yerü tama chanaxwèxe ga marü togü nüxü íxuxüwa rü duüxügü marü nüxü ícuáxüwa nüxü na chixuxü ga yema ore. ²¹ Rü yemachiga nixĩ ga Tupanaãrü ore ga Ichaxía ümatüxü ga ñaxü: “Rü yíxema taguma Cristuchigaxü cuèxgüxe, rü taguma nachigaxü ñnüëxë, rü tá nüxü tacuèxgü i nachiga”, ñaxü.

Pauru rü Dumawa naxüxchaü

²² Rü yema toxnamana na chapuracüxcèx nixĩ ga taxucürüwa petanüwa chaxüxü woo muëxpüxcünachirëx yéma chaxüxchaü. ²³ Natürü

ñuxma na marü chanaguxēēxü i ngēma puracü i toxnamana, rü nagu charüxĩnü na petanüwa chaxüxü. Yerü ñuxgumamatama nixĩ ga nagu charüxĩnüēchaxü na petanüwa chaxüxchaüxü.

²⁴ Rü ngēxguma Españawa chaxüxgu, rü nagu charüxĩnü na woe pexütagu íchidauxü. Rü nagu charüxĩnü na ñuxre i ngunexü ngēxma petanügu charüxãüxü. Rü wüxi i chorü taã tá nixĩ i ngēma. Rü ngēmawena rü chanaxwēxe i choxü perüngüxēē na Españawa chaxüxücèx.

²⁵ Natürü i ñuxma rü Yerucharéüwa tá chaxü, na ngēma chanangexücèx i ñuxre i dīeru naxcèx i taeneēgü i ngēma ngēxmagüxü.

²⁶ Erü ngēma taeneēgü i yaxōgüxü i Machedóniãñewa rü Acayaanewa ngēxmagüxü, rü norü ngúchaümaã nagu narüxĩnüē na ngĩxü nanutaquēxegüxü i ñuxre i dīeru na ngēmaãcü nüxü nangüxēēgüxücèx i taeneēgü i nüxü nataxuxü i Yerucharéüwa ngēxmagüxü.

²⁷ Rü ngēma taeneēgü i Machedóniãcüāx rü Acayacüāx rü norü me nixĩ na ngēmaãcü naxügüāxü. Rü ngēma duüxügü rü aixcüma nüxü nangēxma i norü ngetanü i taeneēgü i Yudiügütanüwa. Erü ngēma taeneēgü i Yudiügügagu nixĩ i ngēma togü i duüxügütanüwa nanguxü i Tupanaârü ore. Rü ñuxma rü name nixĩ i ngēma togü i duüxügü rü norü ngēmaxümaã taeneēgü i Yudiügü i yaxōgüxüxü narüngüxēēgü.

²⁸ Rü ngēxguma chanaguxēēgu i ngēma puracü, rü ngēxguma taeneēgü i Yudiügüna marü ngĩxü chaxāxgu i ngēma dīeru, rü Españawa tá chaxü. Rü ngēxguma ngēma chaxüxgu, rü tá woe pexütagu íchidau.

²⁹ Rü nüxü chacuèx rü ngēxguma petanüwa

changuxgu, rü wüxigu tá tataãëgü, erü nüma ya Cristu tá tüxü nataãëxëë i ngëxguma ngëmaãcü wüxiwa ingëxmagügu. ³⁰ Pa Chaueneëgüx, tórü Cori ya Ngechuchu ya Cristuégagu, rü ngëma na Naãëärü ngüxëëmaã choxü pengechaüxügagu pexü chacèèxü na Tupanana chauxcèx peçaxü i perü yumüxëwa. Rü ngëmaãcü tá choxü perüngüxëë nawa i ñaã puracü i Tupana choxna äxü. ³¹ ¡Rü Tupanana peça na choxü ¡napoxüxcèx nüxna i ngëma Yudíugü i Yudéaanewa ngëxmagüxü i tama yaxögüxü! ¡Rü nüxna peça naxcèx i ngëma taeneëgü i yaxögüxü i Yerucharéüwa ngëxmagüxü, na taãëäcüma nayauxgüäxüxcèx i ngëma dïëru i ngëma naxcèx changexü! ³² Rü ngëmaãcü ngëxguma Tupana naxwèxegu, rü taãëäcüma petanüwa tá changu, na wüxigu pemaã chataãëxüxcèx. ³³ Rü chanaxwèxe na pemaã inaxäüxü ya Tupana ya tüxü taãëxëëcü. Rü ngëmaãcü yiï.

16

Pauru rü nüxü narümoxë ga yema duüxügü ga yaxögüxü ga Dumawa yexmagüxü

¹ Rü ñuxma na petanüwa naxüxchaüxü i taeyèx i Febe, rü pemaã ngixü chixu rü wüxi i taeyèx i mecü iyixi. Erü ngïma rü nüxü irüngüxëë i ngëma yaxögüxü i Chëcréaarü ñänewa ngëxmagüxü. ² Rü chanaxwèxe i meã ngixü peyaxu, naegagu ya tórü Cori ya Ngechuchu, erü ngëma nixi i mexü na penaxüxü namaã i guxüma i yaxögüxü. Rü chanaxwèxe i guxüma i tacü i ngixü taxuxüwa rü ngixü perüngüxëë, erü ngïma rü poraãcü

togüxü irüngüxēē, rü choxü rü ta irüngüxēē.
³ ;Rü nüxü perümoxëgü i Prisila rü Aquiru! Rü nümagü rü chomücügü nixīgü i Ngechuchu ya Cristuarü puracüwa. ⁴ Rü nümagü rü äücümamaxüwa nichocu na chauétüwa nachogüexücèx, na tama chayuxücèx ga chomax. Rü ngëmacèx moxë nüxna chaxã. Rü tama chaxicatama moxë naxcèx nüxna chaxã, natürü moxë nüxna naxägü ta i guxüma i taeneëgü i yaxögüxü i tama Yudügü ixīgüxü. ⁵ ;Rü nüxü perümoxëgü ta i guxüma i taeneëgü i Aquirupatawa ngutaquëxegüüxü! ;Rü ngëxgumarüü ta nüxü perümoxëgü ya chomücü ya nüxü changechaücü ya Epenétu! Rü nüma nixi ga nüxira Cristuaxü yaxōōxü ga Áchiaanewa. ⁶ ;Rü ngixü perümoxëgü i María ga poraäcü petanüwa Tupanaãxü puracücü! ⁷ ;Rü nüxü perümoxëgü i chautanüxügü i Aüdrünicu rü Yüniã ga wüxigu chomaã poxcuexü! Rü nümagü nixi i yatügü i aixcüma Tupana imugüxü i guxüma i yaxögüxü nüxü ngechaügüxü. Rü nümagü rü nüxira chauxüpa Cristuaxü nayaxögü. ⁸ ;Rü nüxü perümoxëgü ya Aüpriátu ya chomücü ya nüxü changechaücü ya chauxrüü tórü Coriaxü yaxōcü! ⁹ ;Rü nüxü perümoxëgü ya Urubánu ya tomücü ixücü i Cristuarü puracüwa! ;Rü ngëxgumarüü ta nüxü perümoxëgü ya Estaqui ya nüxü changechaücü! ¹⁰ ;Rü nüxü perümoxëgü ya Apere ya aixcüma tüxü nüxü dauxëécü na ñuxäcü Cristuaxü yaxōōxü! ;Rü ngëxgumarüü ta nüxü perümoxëgü i Aritúburutanüxügü! ¹¹ ;Rü nüxü perümoxëgü i chautanüxü i Erudiü! ;Rü ngëxgumarüü ta nüxü perümoxëgü

i Narsíchutanüxŭ i tórü Coriaxŭ yaxögüxŭ!
¹² ;Rü ngĩxŭ perümoxëgü i Trifena rü Trifocha!
 Rü ngĩmagü rü tórü Coriaxŭ ipuracüe. ;Rü
 ngëxgumarüŭ ta ngĩxŭ perümoxëgü i taeyèx i
 Péchida i ngĩxŭ ingechaŭgücü! Rü ngĩma rü
 marü poraäcü tórü Coriaxŭ ipuracü. ¹³ ;Rü
 nüxŭ perümoxëgü ya Rufu ya aixcüma meã
 tórü Coriaxŭ yaxöcü! ;Rü ngëxgumarüŭ ta ngĩxŭ
 perümoxëgü i naë ga chauerüŭ chomaã ixïcü!
¹⁴ ;Rü nüxŭ perümoxëgü i Achícritu, rü Peregúte,
 rü Erme, rü Patroba, rü Erma, rü guxŭma i
 togü i taeneëgü i natanüwa ngëxmagüxŭ!
¹⁵ ;Rü nüxŭ perümoxëgü ta i Firórugu, rü Yúria, rü
 Neréu, rü naëyèx, rü Oripa, rü guxŭma i togü
 i taeneëgü i yaxögüxŭ i natanüwa ngëxmagüxŭ!
¹⁶ Rü chanaxwèxe i pegü pengechaŭgüãcüma
 pegü perümoxëgü i wüxichigü. Rü guxŭma i
 ngëma yaxögüxŭ i toxnamana ngëxmagüxŭ, rü
 pexŭ narümoxëgü. ¹⁷ Pa Chaueneëgüx, pexŭ
 chacèèxŭ na pegüna pedaugüxŭcèx nüxna i
 ngëma duŭxŭgü i pexŭ itoyechaŭxŭ rü chixexügu
 pexŭ yixëëgüchaŭxŭ. Erü ngëma duŭxŭgüarü
 ngüxëëtae rü tama namaã nawüxigu i ngëma
 ngüxëëtae ga noxri peyauxgüxŭ ga yexguma noxri
 peyaxögügu. Rü name nixĩ i noxtacüma nüxna
 pixĩgachi i ngëma duŭxŭgü rü tama natanügu
 pexägü. ¹⁸ Erü ngëma duŭxŭgü rü tama tórü Cori
 ya Ngechuchu ya Cristuarü ngúchaŭ naxügü,
 natürü noxrütama ngúchaŭ nixĩ i naxügüxŭ.
 Rü ore i tauxchaxŭgümaã nayaxucuxëgü i
 duŭxŭgü, rü ngëmaäcü nanawomüxëëgü i
 ngëma duŭxŭgü i tama meã nüxŭ cuèxgüxŭ.

19 Rū guxūma i duūxūgū nūxū nacuèxgū na aixcūma meã Tupanaga pexĩnūèxū i pemax. Rū ngēmacèx pemaã chataãe i chomax. Rū chanaxwèxe na meã nūxū pecuáxū i tacū nixĩ i mexū i Tupanapēxewa na penaxūxūcèx i ngēma. Natürü ngēma Tupanapēxewa chixexū, rü jnūxna pixīgachi na tama nagu peyixūcèx! ²⁰ Rū ngēxguma ngēmaäcū meã pemaxēgu rü nūma ya Tanatū ya Tupana ya tūxū taãèxēcū rü tá pexū naporaexēe na aixcūma nūxū perüyexeraxūcèx i Chataná. Rū chanaxwèxe i tórü Cori ya Ngechuchu ya Cristu pemaã inarūxāūx rü pexū narüngūxēe.

²¹ Rū pexū narūmoxē ya Timutéu ya chomücü ixīcū i Tupanaārü puracūwa. Rū ngēxgumarūū ta pexū narūmoxēgū i chautanūxūgū i Dúchiu, rü Yachóū rü Sochípatru. ²² Rū choma i Téchiu na chanaxūmatūxū i ñaã popera, rü choma rü ta pexū charūmoxē naegagu ya tórü Cori. ²³ Rū pexū narūmoxē ta ya Gayu ya napatawa changēxmacū. Rū nūma rü inanaxā ya daa napata na nawa nangutaquēxegūxūcèx i guxūma i yaxōgūxū. Rū ngēxgumarūū ta pexū narūmoxēgū i Eratu i daa ñāneārü dīeruarü dauruū ixīxū, rü taeneē i Cuartu.

²⁴ Rū chanaxwèxe i tórü Cori ya Ngechuchu ya Cristu pexū narüngūxēe i guxāma i pemax. Rū ngēmaäcū yīi.

Pauru rü Tupanaxū yacuèüüãcūma nanaguxēe i norü popera

²⁵⁻²⁶ jRü ñūxmax, rü ngīxā nūxū ticuèxūūgū ya Tanatū ya Tupana! Rū nūma nūxū nangēxma i pora na pexū naporaexēēxūcèx na meã peyaxōgūamaxūcèx i ngēma norü ore i tūxū

maxēxēxū tamaã nüxū ixuxürü. Rū ngēma nixī i ore i guxūwama nüxū chixuxū rü namaã changúexētaexū i Ngechuchu ya Cristuchiga. Rū ngēmatama ore i Cristuchiga rü taxchaxwa naxēxūgu ga noxrix, natürü i ñuxma ya Tupana rü marü tüxū nüxū nacuèxē i ngēma. Rū nuxcūma tauta naãne ūxgu rü Tupanaxīcatama nüxū nacuèx ga yema, natürü i ñuxma rü norü orearü uruūgü ūmatüxū ga orewa taxcèx nanangoxē. Rū ngēma ore rü namaã nawūxigu ga yema ore ga nuxcūma nüxū yaxuxū ga Tupana ya guxūguma maxēchacü. Rū ñuxma ya Tupana rü guxūwama nanamugü i norü orearü uruūgü na guxū i duūxūgümaã nüxū na yaxugüexūcèx i ngēma ore i Cristuchiga na nüxū yaxōgūãxūcèx rü naga na naxīnūexūcèx.
²⁷ Rū nüma ya Tupana rü nüxīcatama nixī i Tupana yīxū, rü nüxīcatama nixī i guxūxū nacuáxū. ¡Rū ñuxmax, rü ngīxã guxūguma nüxū ticuèxüūgü, erü Nane ya Ngechuchu ya Cristu rü poraãcü tüxū narüngüxē! Rū ngēmaãcü yīi.

Rü nuãma pexna,
 Pauru

**Tupanaarü Ore i Tóru Cori ya Ngechuchu ya
Cristuchiga
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files dated 29 Jan 2022

9d5dc22a-30be-5d26-85a9-76047f4c89e6